

CIMELIA

Qu

kat.komp

5308

Ad Bibl. in Schönhaübel
D. IV. 22.

Handwritten:
D
6



Handwritten:
H. 1650

Handwritten:
5180

Handwritten:
Bibl. Jasp.

*Conventus Ordinis S. V. M. in phoenice.
et Cono dñi R. E. Joannis P. K. Missionary Episcopi.*

THEORIA
VENTORVM

QVAM

DIVINA ADIV-

VANTE GRATIA SVB PRAE-
SIDIO NOBILIS CLARISSIMIQUE VIRI

D. ADRIANI ROMANI L. E. A.

M defendere conabitur

IN CATHOLICA ET CELEBRI
HERBIPOLENSIVM ACADEMIA

NOBILIS ANDREAS MIROVSKI.



WIRCEBURGI

Excudebat Georgius Fleischmann. Anno Do-
mini M. D. XCVI.

IN ARMA GENTILITIA MA-
GNIFICI DOMINI DN. NICOLAI CORY-
CZINII. SAC. REG. MAIEST: SECRETARII &c.



ASPICIS heroz proavita insignia stirpis,
Atque Coriciniæ nobile stemma domûs.
Cur galeam Regale fouet diadema coruscant?
Semideumque nota magnanimumque virum.
Astra gemmiferæ cur vna infixæ coronæ?
Et medium clypei cur tenet vna locum?
Austerum notat vna virum, notat altera mitem:
Vtraque virtuti non aliena tuæ.
Romanus Consul tu namque securifer alter
Plectis, defendis, crimina, iustitiam.

ANDREAS MIROVSKI.

MAGNIFICO DO-
MINO, D. NICOLAO CO-
RYCZINIO, A CORYTHNO SERENIS-
SIMI AC POTENTISSIMI REGIS IN REGNO POLO-
niæ Secretario &c. Domino ac Mæcenati suo
optimè merito.

S. P. D.

Rato diuinus Magnifice D. egregium dictum
illud Solonis (*ἡρώδης δὲ αἰεὶ πολλά διδασκόμενος*)
diligenti studio summoq. ingenij acumine expen-
dens, inquisiuit tandem, philosophandumne sit ho-
minibus, an potius in alio quopiam viuendi genere etas transi-
genda? & posteaquam multa in utramque partem occurrissent,
non solum in philosophandi genere adolescendum, sed etiam con-
sensesendum demum astruxit. Præclara sanè vox iuxta & sa-
pientissima, hominumq. memoria & admiratione dignissima.
Quid enim philosophia vel ad utilitatem præstantius, vel ad
honestatem gloriosius, vel ad necessitatem antiquius inueniri
poterit? Hac rerum admirabilium, quæ in terris mundoq. sunt
vniuerso causas aperit, herbarum, stirpium, (ut cælum, stellæ,
Planetas, taceam) animantium ortus, progressus, naturas, vi-
res utilitatesq. prosequitur. Vnde non iniuria exclamauit Se-
neca in aula turbine constitutus.

O quam iuuabat, quo nihil maius parens
Natura genuit, operis immensi artifex
Cælum intueri Solis & currus sacros,
Mundi que motus, Solis alternas vices,
Orbem que Phæbes, astra quem cingunt vaga,
Lateque fulgens ætheris magni decus.

Hac nos, ut inquit Cicero i. Tusc. Primum ad Deorum cultum, tum ad modestiam, magnitudinemque animi erudiuit, eademque ab animo tanquam ab oculis caliginē dispulit, ut omnia supera, infera, prima, vltima, media videremus. Quare Persius Satyra 5. nos pulcherrimē monet.

— Petite hinc iuuenesque senesque
Finem animo certum, miserisq; viatica canis.

Hac animum sublimitatis avidum, à rerum abiectissimarum cognitione ad arduarum subtilitatem traducit: Hac homo homini praeat: hac ad bene beateq; viuendum inuitat, hortatur & instruit. Hanc illiusq; lucem secutus Lycurgus, Solon, Pythagoras, alijq; sapientia antistites, longe lateq; terram peragrarunt: alij ut eam liberius colerent, tutius possiderent, vebementius amarent, vltro se opibus priuarunt, patriam reliquerunt, omnes vita necessitudines fortiter aspernati sunt. Hac sine rerum publicarum gubernatores vel nulli sunt vel nihili. Quod pulcherrimē victoria illa L. Pauli aduersus Persas obtenta, comprobat. Cum enim nocte serena deficeret subito Luna, militum Romanorum animus veluti monstro quodam perterritus adeo diminutus est, ut etiam abiecta hasta manus cum hoste conferere nollent; quid faceret igitur L. Paulus talis in re ac tempore? qui consuleres vnus inuentus est Gallus Sulpitius. Ille etenim longa habita oratione tam inopinata rei causas adeo sua philosophia manifestat, adeo militum animos incendit, ut reuersi in bellum gloriosissimam victoriam reportauerint. Sed quorsum hac? ut quiuis nimirum, Magnifice Domine intelligat, meamq; quam suscepi prouinciam examinet, quod ego in eodem studio aliquantibus (ut ita dicam) fundamentis ante annos quatuor in augusta Cracouiensi Academia iactis, nunc autem animo Herbipoli ad iuris scientiam indagandam applicato, me denuò (ubi videlicet otij à grauissimis occupationibus aliquid superfuerat) ad idem, tanquam ad amantiores incundioresq; Musas contulerim, necessariaq;

*magis atque utiliora selegerim & adnotarim. Quemlibet enim
 vere ingenuarum artium studiosum, communi hominum in-
 dicio, quod & de Aristotele legitur, agnoscere esse conuenit;
 quod haud facile assequetur, si Neoptolemum illum Ennianum
 in philosophando fuerit imitatus. Verumenimvero cum ea
 vel in veritate inuestiganda, vel in naturalium rerum causis
 disquirendis potissimum versetur: ea mihi maximè rei natu-
 ralis pars, qua sublimium & meteororum disputationem com-
 plectitur, arrisit. Hac enim nulla est in omni philosophia gene-
 re praestantior, nulla pulchrior, nulla humano ingenio dignior:
 huic soli feliciter datum est, ut sacratissimo DEI & firmetur
 consensu, & reddatur illustrissima: hanc ipse Seruator Matth:
 16. Phariseorum reprehendens duritiem, scientiam asserit
 praestantissimam, inquit, factò vespere, dicitis, serenum
 erit, rubicundum est enim cælum, & mane hodie tem-
 pestas erit, rutilat enim triste cælum: faciem ergo cæli
 diiudicare nostis. Hanc idem ille summa veritas certissimam
 verissimamq; Luc. 12. confirmat; Cum enim videritis, in-
 quit, nubem orientem ab occasu, dicitis nimbus venit, &
 ita fit: & cum Austrum flantem, dicitis, quia æstus erit:
 & fit. Qui nunc ergo animus ad tanta rei contemplationem
 non accendetur? Sed ne in huius solius amplitudine errans,
 ad infinita propemodum, quæ in ea continetur, traducatur ani-
 mus: unicam solum speciem, Ventorum scilicet, tanquam flos-
 culum ex amenissimo refertissimoque horto, decerpserim; eamq; tñ
 propter maximas, quæ ex eius cognitione emanant, utilitates,
 tum propter immensum quod ex eiusdem consideratione profi-
 ciscitur, emolumentum, attentius paulò examinaui. Quis
 enim est tam abiectæ conditionis homo, tantaq; autoritate
 pradius, in tantum scientiarum cacumen elatus, qui non
 adeo ventorum peritia indigeat, ut eam si quis sustulerit, So-
 lem ipsum de mundo sustulisse videatur? Ea munimentum est
 Regum, scutum militis, peregrinantium consolatio, naustra-*

gantium portus, œconomorum presidium, agricolarum spes,
& doctissimorum quorumque perfectio. Quid enim est aliud
quod Cambyſis validiſſimum exercitus robur obruit, debilita-
uit, confregit, niſi (inquit Strabo) ignoratio venti Circy?
quid quod tot militares homines infaustis quandoque prælijs
oppreſſi, vel fugati in vita discrimen, mille pericula, hoſtilem
captiuitatem ubi mori potius quam viuere vellent, perpetuo
gembundi labantur, niſi ignorantia tam facilis atque utilis
disciplina? Peregrinantes porro vt in inujs nemoribus inter
crudeles beſtias errabundi euadant; nauigantes vt in marinis
tempeſtatibus & procellis, horrenda naufragia, imo mortem
preſentiſſimam declinent, quid aliud docet quam ventorum
experientia & notitia? Hinc Tartari & Scythæ tutiſſimè ſa-
pius ipſo belli tempore proficiſcuntur: ſcientes nimirum denſio-
res arborum vertices, & ramos ad Auſtrum Sole contractos,
hominum habitationes indicare frequentiſſimè. Oeconomis
verò quante iactura ſit, teſtantur tot adiumtecta ventorum
violentia & impetu collapſa, & per immenſa terrarum ſpatia
diſperſa, neque tecta ſolum, verum etiam ingentes arbores, al-
ta abieteſ, pinuſq; excelſæ non ſine ingenti animi horrore con-
quaſſata: quod pulcherrimè diuinus Hippocrates exprimit:
ὡτρ, οὐρ, inquit αἱς ἰχθυῶν τὸ βῆμα ποιῶν, τὰ δὲ βῆμα ἀνὰ πᾶ-
σα πρὸς ἡμᾶς γίνετο, διὰ τῆς βίης τὸ πνεύματος. Teſtantur etiam
Mitylenenſes in inſula Leſbo, deſcentes quotidie ſuæ ciuitatis
peſtilentiſſimum & morboſiſſimum ſitum. In ea enim aduerſi
venti & infeſtiſſimi ſtatus, nihil niſi morbos, peſtes, & fune-
ſtiſſimas clades procreant, quod totum cui tribuendum niſi im-
prudentiſſimo œconomorum factò? Quid agricola? Ex hoc
ventorum ſpiramine comperiunt anni tempora ſationibus
alijsq; id genus munjs obeundis idonea. Iam vero quid inde do-
ctis? Sine hac tacent Philoſophi, ea imbuti diuinitatis opinio-
nem aſſequuntur. Cum enim Pherecides Pythagoræ Præceptor,
quando prædixit, poſt triduum ſecuturum horrificum terra
fremi-

fremitum, hâustâ ex puteo alicunde aquâ propter exhalatio-
nes perturbatâ; quis eum non diuinum è calog. delapsum, fuit
arbitratus? Quæ opinio etiam Hippocrati expertissimo Medico
& Philosopho subtilissimo denegata non fuit; ille enim cum pe-
stis vniuersam ferè Græciam absumeret, contra aërem infe-
stum, vnde ea exoriebatur, ingentem syluam exuri iussit: &
sic vnus litteratus totam Græciam incolumem conseruauit,
quam omnes illiterati, viribus quantumuis validissimis, con-
seruare non potuissent. Hac Medicum exornat perfectissimum-
que iuxta eiusdem Hippocratis sententiam reddit. Sic enim
inquit ἡ τεῖκερ ὅς τις βούλεται ὀρθῶς ζητῆν, τὰ δὲ χρὴ ποιεῖν· πρῶ-
τον μὲν ἐνθυμέεσθαι τὰς ὥρας τῷ ἔτεος, ὃ, τι δύναται ἀπεργάζεσθαι
ἐκάσῃ. ἔπειτα δὲ τὰ πνεύματα, τὰ θερμὰ πρὸς τὰ ψυχρὰ· μάλιστα μὲν τὰ
κοινὰ πᾶσι ἀνθρώποισι· ἔπειτα δὲ πρὸς ἐκάστην χώραν ἐπιχώρια ἔοντα.
Et paulo inferius ὥς ἐς πόλιν ἐπεὶ ἀρὰ φηκται τῆς, ἥς ἀπειρος ὅστις δια-
φροντίζει χρὴ τὴν θεοῖν αὐτῆς, ὅπως κέεται πρὸς τὰ πνεύματα,
πρὸς τὰς ἀνατολὰς τοῦ ἡλίου· οὐ γὰρ τοῦτο δύναται, ἥτις πρὸς βο-
ρῆν κέεται πρὸς ἥτις πρὸς νοτον, οὐδ' ἥτις πρὸς ἡλιον ἀνιχοντα, οὐδ' ἥτις
πρὸς δύοντα. Qui igitur ventorum mutationem non optime
cognouerit, causam ipsam morborum nescierit. Ὅτι γὰρ, inquit
idem ille, οὐκ ἄλλοθεν ποθεν εἰ κός ὅστις γίνεσθαι τὰς ἀρρώστιας μάλιστα
ἢ ἐντευθερ. At qui morborum originem non cognouerit, quam sa-
na egrotanti sit daturus consilia in aliorum opinione relinquo.
Sed quid ista commemoro humana? auctoritate multum ni-
tor cum diuina sola sufficiat? Educit enim Deus ipse ventos
tos de thesauris suis, inquit Psalmista. Sed ad quid educit?
ob multas sanè quæ ex ijs prosuunt utilitates, quas omnes pul-
cherrimè Seneca ita describit. Primum, inquit, vt aëra
non sinerent pigrescere, sed assidua vexatione vtilem
redderent, vitalemque tracturis. Deinde vt imbres ter-
ris subministrarent, iidemque nimios compererent.
Fruges percipi non possent, nisi flatu superuacua admix-
ta seruandis ventilarentur: nisi esset quod segetem exci-
taret, & latentem frugem velamentis suis, quæ follicu-
los

los agricolæ vocant, adaperiret, Omnibus inter se populis commercium dederunt, & gentes dissipatas locis miscuerunt. Dedit ille mundi dispositor Deus ventos ad custodiendam cæli terrarumque temperiem, ad euocandas suppressendasque aquas, ad alendos satorum atque arborum fructus; quos ad maturitatem cum alijs causis adducit ipsa iactatio attrahens cibum in summo, & ne torpeat, promouens. Dedit ventos ad vltiora noscenda. Fuiſſet enim imperitum animal, & sine magna experientia homo, si circumſcriberetur natalis soli sine. Dedit ventos vt commoda cuiusque regionis fierent communia. Ita interpolatim author nobilissimus. Quare vir Magnifice, cum tantam huius rei præstantiam, tantam honestatem, utilitateque prope infinitas experirer atque cognoscerem, incertas pauculasque conclusiones, quæ ad illius cognitionem facere videbantur, redigere incepti, easque publica disputationi proponendas, doctissimorumque virorum acri iudicio committendas censui. Quod verò vt tantò firmiorem felicioremque sortiretur exitum, magni apud me fuit momenti nobilissimi Viri, expertissimi Medici, Mathematici communi hominum iudicio hoc tempore celeberrimi, Professoris denique huius almae Academiæ multis sanè nominibus commendatissimi D. ADRIANI ROMANI authoritas, consilium, & doctrina; quæ certè sine reprehensionis periculo negligi à me non poterant. Caterum mos in plerisque Gymnasijs inoleuit & consuetudo introducta est, vt unusquisque sibi de patrono prospiciat, cui suum partum, primogenitum præferim, offerat & consecret, cuius etiam authoritate niti dignitate illustrari, nomine clarior reddi possit. Procul mihi excurrendum non est, tu enim tete in ipsolimine offers; cui, quidquid possum, summo iure debeo. Munificentia etenim tua quæ se prolixè duodecim annorum spatium non domi solum, verum etiam foris apud externos, largi instar fluminis in me exonerarit, multà profecto experientia

entia sum edoctus edoceor q̄ magis quotidiana. Tuo enim sumptu
per quinquennium in antiquissima Cracouiensium Acade-
mia una cum filijs tuis operam studijs dedi; & licet aliam vi-
uendi rationem animo aliquando conceperim, te tamen suaso-
re, authore & coadiutore litteris adhuc incumbo. Commisisti
mihi praterea erudiendos filios, cum ysdemq̄ me in exterar na-
tiones, Germaniam dico in celebre Herbipolense Gymnasium
ablegasti: quo vno sanè quid maius excogitari potest? Commit-
tere enim filios est suum praestantissimum reconditissimumq̄
thesaurum alicui concedere. Quibus autem quanto labore &
conatu praeferim aliorum iudicium esto. Ego hoc unum profi-
teor me tantum quantum ingenij mei imbecillitas perpeffa fuit,
attentasse, omnemq̄, ut aiunt, mouisse lapidem ut & tuo desi-
derio satisfacerem & illorum utilitati consulerem. Multa &
alia innumera beniuolentia signa certissima mihi exhibuisti,
quorum omnium in vicem & obsidem, nisi hasce tibi de Ventis
qualescunque exercitationes Mag^{re}. D. obtulissem ingrati-
tudinis vitium mihi maximopere pertimescendum fuisset, vere-
rer q̄ ne illo ex Odyssæa Homerica iuste in me utaris.

μήτις ἐτι πρόσφορον ἀγανός, καὶ ἡπιότῃς
ἐκινῆσθαι βασιλεὺς, μηδὲ φρεσὶ πᾶσι μαεῖδ' ὄν.
Ἄλλ' αἰεὶ χαλεπός τ' ἐῖν: καὶ αἰσὺλα ῥίχοι.

Qua omnia non ego solum refugio, sed etiam toto corpore per-
horresco. En itaque Magnifice Domine, en grati animi
indiciū & gratitudinis obsidem perpetuò tuis beneficijs de-
uinctum, en Ventorum theoriā, quam publicè sub tuo patro-
cinio edidi, & utinam Regem Xerxem imitareris, qui aquula
haustu in manus concuuitate à rustico sibi oblato, tantopere de-
lectatus fuit, tamq̄ grato animo suscepit, ut etiam eum
maximis diuitijs ab alijs sibi datis pratulerit. Qua si grata
tibi & accepta cognouero, ad maiora aliquando animatum

& alacriorem efficies. Vale & vive Macenas dignissime perpetuo
felicis solitamq; tuam in me perenna gratiam Herbipoli. &
id. Mart. Anno Domini M. D. XCVI.

Magis. Sua

Humilimus Cliens

ANDREAS MIROVSKI.



EPL.

EPIGRAMMA.

NOBILI DOMINO AN-
DREAE MIROVSKI ANEMIGRAPHI-
AM SVAM IN CELEBRI HERBIPOLENSIVM ACADEMIA
in publicum proponenti, honoris ergo
ascriptum

à

GENEROSO D. ADAMO WVOLSKY
DE PODHAICZE.



Etheream ANDREAS cum se penetrasset
in aulam
Sive alis Persei Dædale siue tuis:
Ardentisq̃ue polos non incola segnis obiret,
Et tantas superùm fixus amaret opes.
Arrisere omnes iuueni; tum Rector Olympi
Talia mellifluo pectore verba dedit.
En tibi caelesteis thesauros, ecce reposta
Nequicquam priscis te referenda duce.
Quid petis? Attalicas an opes, gemmasq̃ue nitentes?
Prendito quod libeat Sydereæ arca patet.
Ille petit ventos, causasq̃ue & nomina quarit
Ventorum, cælis hisq̃ue decorus abit.
Fama tui, Tiphys famam superare meretur,
Qui tumidis ventis carbasa prima dedit.



EPIGRAMMA.

EIDEM NOBILI ET ERV-
DITO D. ANDREAE MIROVIO CVM
HANC METEOROSOPHICAM DE VENTIS DISPVATIO-
nem impugnandam proponeret & defendendam susciperet,
honoris & amoris ergô scriptum

†

GENEROSO D. STANISLAO LASOCZKI
DE GLEVO.

Doctum Pierias caput exaltasse per artes,
Et comitem Aonijsæpe fuisse iugi:
Noscere per densum vix notos, aëra cussus,
Clara hæc ingenij sunt monumenta tui.
Armatus valido miror iam murmure ventos
Scripsisti exulto; quos bonus, ingenio:
Sydera corruptis quis nam secet ardua habenis,
Quis foueat molles vere silente rosas?
Quid miror dubijsque mea est mens anxia curis?
Extulit ingenuum gloria MIROVIVM.



EPI-

EPIGRAMMA.

EIDEM NOBILI AC OR-
NATISSIMO DOMINO ANDREAE MI-
ROVSKI I. V. STUDIO, DVM SVVM DE VENTIS PHI-
losophema publicè disputandum propone-
ret, scribebat:

GENERO SVS D. IOANNES ORZELSKY.



Eolus humanas mentes, humanaq; spectans
Ingenia, Aonium iussus adire iugum.
Hic vbi doctiloquas miratus ab ordine Musas
Quærit, Pieria cui stet ab arte decus.

Calliope Aonijs quæ iam dominatur in aruis
MIROVIVM docto laudat ab ingenio.
Tum subitò hunc iuuenem, dictis sic poscit amicis,
Salve diuini gloria magna chori.
Hactenus indicium ostendisti mentis acutæ
Implesti que sacro pectora docta mero.
Carbaseos aude (cum fas est) scribere ventos
Et quondam nostræ sumere mentis opus.
Dicta probat iuuenis, sic que altos quærit honores,
Sic dulcem ex studio, sumit amaritiem.



VEN-


1102


1103

1104









EPIGRAMMA.

EIDEM NOBILITATE,
VIRTUTE ET DOCTRINA ORNATISSI-
MO DOMINO ANDRÆ MIROVIO I. V. STUDIO SO
hoc Theorema defensuro, honoris & amicitiae
ergo faciebat.

ADAMVS CHARZINSKI SS. THEOLOGIAE
STVDIOSVS.



Obile ab antiquo deducere stemma parente,
Et clarum à veteri sumere nomen auro:
Non hic paruus honos; quod ne decus inui-
Posteritas, sollers efficit ingeniū. (da tēat
Sic tu qui titulo multum decoraris auito,
Auges maiorum stemmata laude tua.
Musarum tenero coluisti culmen ab ævo;
Nunc tibi fert dignum, Musa, labore, decus.
Perge age MIROVI: crescet sic nomen auitum,
Maior & ex magno stemmate crescet honos.
Et veluti reseras ventorum claustra, latentes
Sic quoque te venti celsa per astra ferant.



BVC

BVCOLICVM SACRVM
DE VENTIS.

QVOD

NOBILI DOCTIS-
SIMOQVE DOMINO AN-
DREAE MIROVIO. I. V. STUDIOSO ET
TVM TEMPORIS PRÆCEPTORI SVO AMANTISSIMO,
dum hæc de Ventistheses in alma VVirceburgensi-
um Academia publicæ disputationi propo-
neret, Perpetuæ obseruantix
ergo inscripsit.

CHRISTOPHORVS CORYCINIVS A CORTHNO
PHILOSOPHIAE STUDIOSVS

DAVID REX, DIVINVS VATES.

PSALM: CXXXIV.

Omnia quæcunque voluit Dominus fecit, in cælo, & in terra. in mari, &
omnibus abyſſus; educens nubes ab extremo terræ, fulgura in pluuiam fecit,
& producens ventos de theſauris ſuis.

Matiuagi quæcunque ſuo vaſtiſſima mundi
Machina complexu tenet, ac immane barathrum
Quidquid habet ſub ſe latitans, merſumque profundo
Squamigerum pecus omne mari, cælique meatus
Orbe ſuo quidquid claudit, DEVS omnia fecit.
Cælum, terra, fretus, barathrique ſilentia teſta,
Gratifico ſacras recinant modulamine laudes.

Ille ſolum viridi depingit gramine, vernas
Ille roſas grato ſuffundit odore, virorem

Ille

Ille dat arboreis ramis, dat frugibus auræ
 Temperiem, gelido iubet ille madere madore
 Omnia; neu pereant nimio exsiccata calore.
 Cælum, terra, fretus, barathrique silentia tecta,
 Gratifico sacras recinant modulamine laudes.

Illius imperio latratu dira trifuçi
 Cerbereus canis antra subit, rabidoque nocentes
 Dilaniat mortu, nutu illius omnis abyssus
 Contremittit, omne genu se flectit, & omnis ab ore
 Divinos profert hymnos, & carmina dicit.
 Cælum, terra, fretus barathrique silentia tecta
 Gratifico sacras recinant modulamine laudes.

Ille maris fluctus, tempestatetque sonoras
 Excitat, atque premit, pauidique patentia nautæ
 Vela regit, remumque agilem, navemque fugacem:
 Vorticibus dat iura, replet fluviatilibus æquor.
 Piscibus, Oceani fluxum regit atque refluxum.
 Cælum, terra, fretus barathrique silentia tecta
 Gratifico sacras recinant modulamine laudes.

Nobile sideræ placido nunc aspice vultu
 Molis opus, candens rutili iubar aspice Solis,
 Quam gratis vicibus noctemque diemque reducit!
 Aspice flammigeras stellas, Lunamque bicornem,
 Quam benè virgineum suffundunt ore ruborem!
 Cælum, terra, fretus barathrique silentia tecta
 Gratifico sacras recinant modulamine laudes.

Ille paludosa, si vult, de viscere terræ
 Euocat & liquido suspendit in aëre nubes;
 Et velut ex venis silicis latitantia flammæ
 Semina nos lapidum conflictu educimus, ille
 Sic quoque flammantes è nubibus elicit ignes.
 Cælum, terra, fretus barathrique silentia tecta
 Gratifico sacras recinant modulamine laudes.

Aethereo tristes nunc mittit ab axe fragores
 Quis quatit excelsas sublimi à vertice turres:
 Nunc secat aërios nictanti fulgure campos:
 Nunc iterum rapidos conuertit fulguris ignes

In pluuias, quibus arua riget, glebasque resoluat.
Cælum, terra, fretus barathrique silentia tecta
Gratifico sacras recinant modulamine laudes.

Ditibus ille suis ventorum flamina gazis
Educat, Nerei quibus arua profunda gubernet.
Hinc modò vela ferit tremulam quatit atque carinam,
Et sine remigio spumosa ad littora torquet;
Turbinibusque modo pulsam cæcâ obruit vnda,
Cælum, terra, fretus barathrique silentia tecta.
Gratifico sacras recinant modulamine laudes.

Ilius ad nutum spirans exurgit ab orbe
Leniter Hesperio Zephyrus, creberque procellis
Africus, & clemens genitabilis aura Fauon I.
Illius ad nutum sæui furit imperus Austri.
Illius ad nutum sæui silet imperus Austri.
Cælum, terra, fretus barathrique silentia tecta.
Gratifico sacras recinant modulamine laudes.

Ilius imperio Boreas erumpit ab antris
Arctois, gracilesque truci conquassat aristas.
Turbine, & annosas imis radicibus ornos
Euellit, sternitque, niues contorquet & altas,
Arboribusque minas reboat, raucosque fragores.
Cælum, terra, fretus barathrique silentia tecta
Gratifico sacras recinant modulamine laudes.

Ilius imperio glaciale insibilat Euri
Flamen lucifluo veniens brumalis ab ortu
Frigoris, huncque rapax sequitur Vultur, & ær
Cæcæ, & omne genus ventorum, qui simul omnes
Illius imperio parent, sonituque celebrant.
Cælum, terra, fretus barathrique silentia tecta
Gratifico sacras recinant modulamine laudes.



VENTORVM THEORIA

VENTI DEFINITIO.



Ventus Aristoteli est aëris, hoc est exhalationis, motus; 1.
sic Alexandro fluxus exhalationis.

Motus porrò hic venti siuè exhalationis est localis, 2.
quod adeò est perspicuum, vt sensui etiam sit exploratum; ideoque nulla ratione ad comprobandum opus est.

Motum localem omnium rerum sublunarium per medium, 3.
idque plenum non vacuum fieri necessariò, in schola Peripatetica clarum est: cum id efficacissimis rationibus aduersus veteres ostenderit Aristoteles, adeò vt per plenum medium latius celerior fiat, contrà quàm veteres arbitrabantur.

Medium autem, quod lationem mirificè suâ naturâ adiuuat, aër 4.
est, teste Arist: quia & grauis & leuis existat, reddique possit, vt natura ipsa ad hasce motiones obeundas, eo tanquam proprio aptissimoque vtatur instrumento.

Aër hic inferior tametsi grauis leuisque sit, magis tamen grauis 5.
est, propter insitam humiditatem, quæ affinis magis est grauitati, quàm leuitati, vt docuit Auerroës. Ideoque & Aristoteles aërem, modo aquæ, ad id quod cauisimum est, fluere notatum reliquit.

Est autem aër tale medium in motu venti, vt nisi exhalatio per 6.
aërem moueatur, tanquam per proprium medium, nisi que ipsum pellat ac moueat, ventus nullus oriri possit. Vnde Arist: aër tunc in ventum conuertitur, cum ab aliquo corpore mouetur & pellitur: vt ventus sit nihil aliud, quàm corpus illud per aërem motum aëremque pellens, ac motus aër vnà cum eo. Definiens quoque ventum Aristoteles, inquit, multitudinem esse quandam exhalationis circa terram motam: circa terram quidem, ac si per aërem dixerit, cum circa terram moueri nequeat, nisi per aërem fluat, proinde motum ex superiore loco, & ex ipso aëre, non ex terra ventum habere statim subdidit. Ratio quoque docet, exhalationem vt moueatur, necessariò per corpus mediumque moueri, quod secare atque impellere possit: nam nisi exhalatio per medium aptum quod
A sua

suâ naturâ motionem eius adiuuet, quantumque in se est, reddat celeriorē, ac parî maioriq̃ue etiā pernitiā moueri possit, moueretur, nequaquam ventus tantum impetus haberet. At huiusmodi corpus nullum aliud esse posse quam aërem, liquet.

7. Huius communis motus exhalationis & aëris ratione fit, vt nomine aëris ac motus ipsius, totum aggregatum, exhalationem scilicet & aërem nonnunquam intelligat Arist: vt cum inquit, aërem calore detineri hisce verbis. ἀνεμένον οὖν ᾧ κατέχετο ὁ αἶρ καὶ ἡρέμα πάλιν κινεῖται, καὶ γίγνεται πνεῦμα. hoc est, *remisso igitur calore, quo aër, hoc est, exhalatio quæ aërem mouebat, detinebatur & quiescebat, rursus ipse aër mouetur, & ventus euadit*; quo loco Alexander aërem similiter exhalationem interpretatur; idem in multis locis Arist: videre est. Nec non è contrario sæpissimè exhalationis nomine aërem intelligit Aristoteles.
8. Motus hic venti, ἀρχὴν καὶ πηγὴν, hoc est, principium & fontem suæ motionis habet. Vnde Alexander δύναται γὰρ πολὺς αἶρ ὑπὸ τινος πτόσεως κινεῖσθαι, ὃ οὐκ ἂν τις ἀνεμὸν λέγοι, οὐκ ἔχοντα ἀρχὴν, οὐδὲ πηγὴν, ἀφ' ἧς ἢ ἐξ ὧς ἀνεμὸς. hoc est, *pote est enim quandoq̃, fortè moueri ab aliquo casu plurimum aëris, quem tamen nullus ventum appellabit, cum non habeat principium quoddam & quasi fontem, à quo (fonte & principio) fluxus (aëris) ventus est.*
9. Est porro ventus corpus non perfectè mixtum, sed imperfectè, veluti & reliqua plerunq̃ue sunt Meteora.
10. Sunt autem imperfectè mixta ea, quæ ex pluribus constant elementis, in vnum congestis, non verè mistis, ideoque non habēt formam aliam misti essentialē, sed congeries sunt potius quædam, siuè παρ' ἄλλοις elementorum, quasi vnum ad alterum appositum.
11. Motus in mixtis perfectis, fit secundum prævalens elementum, alijs castigatis & coercitis: ita vt ad vnum eundemq̃ue motum propensa sint omnia, vt cum lapis deorsum mouetur propter terram prævalentem, tunc ignis & aër descendunt simul ob verè factam mixturem. In mistis verò imperfectis, quia vera carent mixture, sed plura adsunt elementa seruantia proprias naturas, quorum vis

coer-

coërcita non est, perpetua pugna reperitur; & licet alterū præualeat, reliqua tamen, quia non sunt domita, reluctantur; ut propterea longè diuersi motus oriantur. Vnde Olympiodorus ex Theophrasti sententia inquit. τῆς δὲ λοξῆς κινήσεως τῶν ἀνεμῶν ὅλην μὲν αἰτίαν ὁ Θεόφραστος ἐν τοῖς οἰκείοις μετεώροις ἀποδίδωσιν, ἄλλην δὲ νῦν ὁ Αἰρισ- τέλης. ὁ γὰρ Θεόφραστος φύσιν ἐν τῇ καπνώδει τῇ αὐτῇ ἀναθυμιάσει με- μίχθαι τινὰ πυρᾶς ὁυσίαν καὶ γῆνιν αἱ τινες τῇ ἐναντίᾳ κίνησιν κινού- μεναι καὶ μαχόμεναι, λοξὴν ποιοῦνται τὴν κίνησιν. μὴ γὰρ τις λεγέτω, ὅτι διὰ τὴν γῆν μὴ ὑφίεται ἐπὶ τὰ ἄνω κίνησις τῷ γεᾶδους ἐπικρατοῦν- τοσ, ἢ ἢ ἐπὶ τὰ κάτω τῷ πυρῶδους πλεονάζοντοσ ἐπὶ εὐθείας τῆς κινήσεως γινομένης. ξητίου γὰρ ὅτι τὸτο καλῶς λέγεται ἐπὶ σω- μάτων κεκραμένων. ἐπὶ γὰρ ἐκείνων ἥφρσιν γενέσθαι ἐκατέρως ἀμε- τρίας κολαζομένης. ἐπὶ δὲ σωμάτων κατὰ παρὰθεσιν ἐνωθέντων οὐχ ἔπεται τοῦτο. ἐκάτερον γὰρ τὴν αὐτὴν ἔχον ἰσχύν, μένει ἀπομαχίμε- νον. διὸ μὴδενὸς ὑπείκοντοσ ἐκ περιεάσεως, τὸ ὅλον εἰς τὰ πλάγια φέρεται. οὗτο μὲν ὁ Θεόφραστος. hoc est; Obliqua autem ventorum motio- nis aliam quidem causam Theophrastus in suis meteoris attulit; aliam hoc in loco Aristoteles. Etenim Theophrastus inquit, infumida hac exhalatione mixtam esse substantiam quandam igneam & terream, quæ quidem motæ contrario motu, & pugnautes obliquam efficiunt motionem. Nec dicat aliquis, cur terrea por- tione dominante non cedit motus, qui sursum tendit, vel superante ignea, qui deorsum; ita ut in rectum motus efficiatur? Siquidem respondendum est, hoc verè de mixtis corporibus dici: cum in illis contentiois huius remissio fiat, utraq; im- moderatione castigata: in corporibus verò quæ per adpositionem sunt, id nulla- tenus sequi: cum utrumq; proprias vires retinens pugnare non desinat. Quare nullo cedente ex ipsa peristasi (id est, quia transitum fieri oportet in ali- um motum) totum in obliquum fertur. Ita quidem Theophrastus.

M A T E R I A V E N T O R U M.



Ateria Meteororum est exhalatio, eaque duplex, sicca ^{12.} videlicet, quæ simpliciter exhalatio vocari solet, & hu- mida, quæ absolutè dici solet vapor, de quibus ita Aristot.

teles. Ignem & terram & qua his cognata sunt, eorum qua accidunt in eo causam in genere materia esse, censendum est.

13. Substantiæ hæ duæ ita sunt commistæ teste Aristotele, vt humida absque sicca non sit, nec sicca absque humida, sed omnia hæc, ex eo quod excedit, denominationem sumunt.

14. Excitantur porrò tum vapores tum exhalationes plerumque vi cœlestium corporum, calore potissimum, tum è terra, tum ex aqua. Vnde Aristote: *Horum autem & aliorum multorum principium hoc est. Cum enim terra vi solis incalascit, exhalationem fieri necesse est, non illam quidem vnā & simplicem, sed duplicem: vnā quæ vapor magis sit, alteram quæ magis spiritus.*

15. Ventorum materia, non est vapor, aut exhalatio cum dominio vaporis, sed in qua caliditas & siccitas dominatur; vnde Arist: *Cum autem duplex sit vt dictum est exhalatio, vnā quæ vaporis plena est, altera fumida; vt amō fieri necesse est, harum verò, exhalatio ea, quæ maiorem humoris copiam obtinet, aqua pluuiā, vt antea diximus, principium est: sicca autem ventorum omnium principium & natura.* Veteres venti materiam absolute statuērunt aërem ex sese motum, non ab exhalatione pulsum; asserentes quemlibet aëris motum, etiam casu factum, ventum esse: vnde vnum esse ventum, omnes ventos affirmabant, eandemque venti esse naturam & pluuiarum, quia idem aër motus ac fluens ventū, concretus in aquam nubes, faciat.

16. At Aristotel: exhalationem siccam primò ventum constituere asserit: ideoque veteres redarguit, docetque venti naturam ac pluuiarum longè esse diuersam.

17. Sæpè tamen ventū Aristoteles aëris motum vocat, vti & Theophrastus, verum tunc aëris nomine intelligunt exhalationem quæ aërem mouet, atque vnā motum aërem ab ea: quo sensu non negat Aristot: ventum dici aëris motum, licet in veteres inuehatur, ventum aëris motum simpliciter & absolute statuentes.

18. Quinimo mentem suam aperit manifestè Arist: dum scribit; *εἰ γὰρ τὰ πνεύματα τοῦ τοῦ κινουμένου ὑπὸ τοῦ θερμοῦ γίνονται.* Hoc est. Si enim venti aëre à calore moto oriuntur, caloriseni n nomine exhalationem hoc loco intelligit Aristot: quatenus tamen calida pars in ea excedit. Propterea statim subdit, ignem in sublime naturā ferri, quod calorem

calorem vocauit; ignem scitè dicens, vt nos cõmonefaceret, calor
ris nomine non qualitatem puram, sed corpus aliquod igneamque
exhalationis partem esse intelligendam, atque exhalationem ipsam,
quatenus in ea calor dominatur; deindè ventum aëre ab exhalatio-
ne hac moto oriri inquit, quã mox τὸ κινῶν id est *mouens ipsũ* appel-
lat: quoniã, vt superius monuimus, ventus nisi exhalatio moueatur
in obliquum, aëremque moueat, effici non potest: Arist: verò hic ca-
lidam exhalationis partem, non vt motam, sed vt mouentem cau-
sam statuit.

Sic author lib: de Mundo cùm dixisset ventum è sicca constare 19.
exhalatione, mox eundem nihil esse aliud quàm fluentem aërem
multum & copiosum addidit, sanè vt ostenderet, aërem vnà cum
exhalatione motum, ventum efficere.


Quod quidem totum Heron Alexandrinus, his verbis valdè 20.
eleganter expresit. Et ventus quidem oritur à vehementi exhalatione, aëre
expulso, & attenuato, & semper proximum continuumq; mouente, quæ quidem
aëris motio, non per omnem locum æqualis est celeritati, sed iuxta ipsam exha-
lationem vehementior celeriorq; imbecillior verò cum longiori ab eo loco digres-
sa fuerit; vnde moueri aër incipit quemadmodum in grauib; corporibus euenit,
quæ sursum iaciuntur: enimuero hæc loco inferiori proxima, in quo vis est impel-
lens, celerius mouentur, in superiore tardius. Quanquam in eo maximè
ab Aristotele dissentit Heron, quod velit ventos aut in principio
ortus ac motionis, aut paululum saltem digressos, incitatiores mo-
tum habere ac vehementiores: item quod exhalationem quæ aë-
rem pellit, non moueri & ipsam arbitrari videatur, sed non secus
ac vis manusque grauià sursum proijciens faciat, immotam perma-
nere.

Est porrò exhalatio, quæ potissimum venti corpus constituit, 21.
igneæ essentialiter, quia calida & sicca, vt antea diximus. Alber-
tus tamen Magnus, exhalationem ex qua venti constant, essentiali-
ter terram esse scribit, ideoque naturã suã frigidam & siccam: quod
licet recentioribus quibusdam non displiceat, nobis tamen Aristoteli-
ca sententia verior apparet.

Exhalatio hæc, vt venti corpus constituat, sursum ascendere 22.
debet, vt in ventum conuertatur, deinde postquam ascenderit,

moderationem acquirere debet: alioqui si hanc moderationem non receperit, exhalationes tunc descendentes, inquietum aërem tam diu commorabuntur, donec illud à Sole accipiant, aut à Luna, aut aëris constitutione, aut aliqua simili causa. Sed de hac moderatione latius postea.

F O R M A V E N T I.


23.  Enti forma quæ sit non omnino conflat; nos tamen communem amplectentes sententiam, motionem ipsam obliquam venti formam, aut sanè prout alij volunt, propriam passionem actumque essentialem esse existimamus. Aristoteles sanè dum ventum inquit esse motum exhalationis, videtur formam venti statuere motionem; quam sententiam Theophrastus secutus est. Alexander quoque apertè expressit, dum ventum exhalationis fluxum definiuit. *Non enim adhuc ventus est, ut idem inquit Alexander, donec sic incipiat ferri, scilicet ipsa exhalatio.*

24. Alberrus Magnus formam venti statuit exhalationem, unde ita quærit. *Adhuc autè quomodo potest esse, quod vapor terreus (id est exhalatio) sit materia venti, & principium efficiens ipsius, & radix esse eius? radix enim secundum formam, & principium est secundum efficientem causam. Et hæc duæ causæ non coincidunt in vnam causam efficientem, ut in 2. Physi: est determinatū. Mox sic soluit dubitationem. Vapor autè terreus (id est exhalatio) materia est venti, secundum quod ventus dicitur actiue primum, quia stat actiue, quia illud quod flatur est aër. Est autem efficiens venti, per motum suum, & est radix eius secundum suum genus (hoc est ut forma) per formas frigidi & siccæ (ipsius vaporis terrei) quæ denominantur in ipso vento, (quem Albertus etiam frigidum & siccum vult) atq; sic non est inconueniens &c.*

25. Verùm Alberti hæc sententia non probatur: aliud namque est ac longè diuersum exhalationis formam quærere & naturam, aliud venti ipsius. Exhalationis quidem forma Alberto in frigido & sicco consistit: Aristoteli in calido & sicco; at hoc idem venti formam putare est absurdum, quoniam cum exhalatio genita est, quinetiā & sursum euecta, non adhuc ventus est, ut antea ostendimus.

CAUSA

CAUSA EFFICIENS PROXIMA MOTIO-
NIS VENTORVM.

 **V**x causa sit proxima motus ventorū, inter Philosopho 26.
non conuenit. Nos ex Aristotelis & Theophrasti mente
pugnæ naturarum & principiorum, grauitatis nempe &
leuitatis, exhalationem componentium, inque diuerſas partes ni-
tentium, quæ in vento reperiuntur, aſcribimus. Cum namque
partes igneæ & terreæ, vel etiam humidæ aliquando, viriū æquali-
tatem acceperint, ſtatim pugnam oriri inter illas, eamque pugnam
motionis cauſam eſſe neceſſe eſt. Quod quidem ſignificabat Aristo-
teles, dum negabat manere poſſe exhalationem quando neutrum
ſuperat. Principia autem hæc penè debent eſſe paria virtute: nam
quod ſuperatum eſt, iam manus dat, quieſcitque neceſſariò. At dum
pugnant moueri exhalationem neceſſe eſt. Vndè rectiſſimè Auer-
roës Alexandrum imitatus dixit, non quemlibet calorem, ſed pro-
portionalem (vt habet interpres) *ventos producere.*

Cur autem non deorſum aut ſurſum moueatur exhalatio ven- 27.
tum conſtituens, ſed lateraliter, magna eget conſideratione: nos
eandem planè obliquæ motionis, quàm ipſius motionis abſolutè
conſideratæ, cauſam ſtatuiamus; videlicet contrariorum motionū
permiſſionem, & principiorum naturarumque in contrariam par-
tem nitentium coniunctionem. Sic leue principium ſurſum, graue
deorſum trahit; præterea leue deorſum moueri eam, graue ſurſum
prohibet, vt neceſſe ſit in obliquum qua parte non prohibetur fer-
ri.

Hinc ſit vt ſublato æquilibrio (quod ſit dum exhalatio redditur 28.
calidior aut frigidior, ſiue, quod in idem incidit, leuior & graui-
or, quàm ad obliquam motionem peragendam opus ſit) ſtatim
etiam venti ceſſet motio.

Quærit idèò rectè Ariſtoteles, cur poſt imbres venti ſedentur? 29.
cauſamque adfert huiusmodi; quoties nubes eundem in locū com-
pullæ ſunt, ac frigus eas circumſtat, aquam oriri, quæ ſiccā exha-
lationem réfrigerat, hæc verò réfrigeratâ ventum ſedari. Ex qua
ratione maniſeſtum exiſtit. cum ſublata fuerit exhalationis tempe-
ratio, naturarumque illud æquilibrio ſiue libramentum, ſtatim
ventum

uentum sedari, obliquamque tolli motionem: siquidem si superueniens imber sua frigiditate siccam exhalationem refrigerat, hoc est reddit grauiorem, iam statim cessat obliqua motio.

30. Similiter quæritur cur post ventos superueniant imbres? dicitur quod cum ventorum materia, exhalatio scilicet mouetur agiturque, semper calor ipsius secernitur, atque ad superas euolat sedes. unde relinquitur vapor humidaque pars exhalationis, quæ refrigerata ob caloris discessum, in imbrem cogitur, subindeque sedato vento pluuia oritur. Ex qua etiam causa manifestum euadit, si in motu exhalationis fiat partis calidæ secretio, & si materia & temperatio illa auferatur, etiam motum obliquum auferri parte quidem calidâ motâ sursum; frigidâ verò in imbrem densatâ, deorsum.

31. Nec aliter contingit, si calida exhalationis pars præter modum augeatur, statim enim tollitur interitque obliqua motio: si verò caliditas illa remittatur, tum ventum excitari. Quod ex Eclipsi Lunari eleganter docet Aristoteles, quoniam iamiam instante defectione remittitur calor, qui aërem exhalationemque detinebat ne flueret ac moueretur. Vnde Alexander inquit. *Siquidem cum hebetatur minorque fit calor, qui à luna in aëre gignitur, proximâ iam existente latione, in qua fit Eclipsis, demissa exhalatio quæ antea nimio calore detinebatur ventos facit.* Quod iisdem planè verbis ab eodem in problem: docetur. Ex qua quidem Philosophi ratiocinatione, satis liquet, quantum in ventorum ortu possit caloris gradus varietas ac mensura, ut nulli dubium esse queat in exhalationis temperatione calorisque varietate, motionem omnem & quietem exhalationis, ex Aristotelis sententia referendam.

32. Sic quoque ab Aristotele & Theophrasto scribitur, meridie ac media nocte aërem maximè tranquillum esse, ventosque potissimum tunc silere; quoniam vel nimius calor ob solis propinquitatem, vel nimia frigiditas ob eius remotionem, exhalationis motum impedit.

33. Præterea notat Aristoteles, in Orionis exortu, quia in temporum mutationem incidit, ventos maximè excitari. In temporum autem mutationibus maximè variatur mensura caloris & frigiditatis, ut excitari ventos plures, & eos quidem difficiles & incertos sit necesse.

Verum.

Verum locus Aristotelis est manifestus in Problem: querit 14.
 namque cura aer in motu venti non sursum feratur sed oblique? de-
 inde cur venti motus obliquus sit? Dubitationis autem quaestionisue
 ratio est; quoniam ventus ab exhalatione oritur aerem impellente:
 tunc enim ventus fit, cum mota haec exhalatio aerem mouet. At ex-
 halatio haec calida est, igneaque natura in ea dominatur, propterea
 cum e terra gignitur, sursum recta mouetur; itaque si aer ab huiusmo-
 di exhalatione pelletur, moueri sursum omnino debet, aer namque
 sursum ferri aptus est natura, & mouens ipsum in sublime natura
 identidem tendit, sed videmus aerem cum ventus fiat, obliquam
 habere motionem; qua igitur de causa id contingit? haec quaestio
 habet, & ratio quaestionis, quae omnia problemate 13. sect: 25. con-
 tinentur hisce verbis. *Cur aer non fertur sursum? si enim venti, aere a ca-
 lore moto, oriuntur, ignis autem in sublime ferri natura aptus est, sane ventus
 sursum impetum facere deberet: Siquidem mouens sursum versus pellit,
 & quod mouetur sic ferri natura aptum est: nunc autem apparet obli-
 quam lationem aerem efficere.* Solutionem modo videamus. Re-
 spondet igitur Arist: ventos aeremque oblique merito ferri, quo-
 niam aer hoc motu ex se non mouetur, sed ab alio, scilicet ab exhalati-
 one; si enim ex se moueretur, quia libentius deorsum tendat ob va-
 pores, deorsum etiam potius iri motum. Verum ab exhalatione
 mouetur ita temperata, ut in ea neutrum principium superet;
 si enim vinceret calor, praeterquam quod venti omnes calefacerent,
 sursum aerem iri latum, quoniam (ut supra expositum est) caloris
 ignisque latio huiusmodi sit secundum naturam; itaque cum in ex-
 halatione quae aerem mouet, coercito calore neutrum principium
 imperium teneat, sed alterum sursum, alterum deorsum impetum
 faciat, exhalatio ipsa propter pugnam hanc manere non possit, ob-
 liquam merito oriri lationem, ipsumque aerem eodem motu ab
 exhalatione pulsus oblique ferri; propterea ventorum obliquam
 esse motionem. Haec solutio est quam ad finem problematis 48.
 Sect: 26. adfert Aristoteles his verbis. *Quoniam aer neque a se ipso motus,
 neque a calore superatus huiusmodi fertur latione, atque hoc quidem inde
 perspicuum est, venti enim si calor superaret non solum calefacerent sed sursum
 etiam mouerentur, ignis namque talis est: frigidum vero deorsum ferri sua na-
 tura aptum est: at venti merito oblique feruntur; cum enim hoc quidem sursum,
 illud vero deorsum impetum facias, & neutrum superas, manere autem nequeat,*

iure obliquam fieri oportet lationem. Hæc Aristoteles. Quæ quidem verba ut benè notat Fridericus Bonaventura pars sunt alterius problematis antea citati, illisque caput deest, & propositio in alium locum transportata, quod iniuriæ temporum ascribendum videtur.

35. Ad hæc Aristoteles, de sideribus transcurrentibus agens, ita scribit. *Ut plurimum autem moventur ad latus, quia duabus feruntur lationibus, vi quidem deorsum, naturâ verò sursum. Omnia enim hæc per diametrum feruntur; propterea & transcurrentium siderum latio plerumq; sit obliqua. Quæ locum explicans Olympiodorus, contrarietatem permixtionemque hanc motu, obliquæ lationis, causam esse scribit.*

36. Non dissimili ratione idem Aristoteles docet obliquum idem Typhonis esse motum, quoniam quod antè est, ne progrediatur, prohibet; quod à tergo est impellit. ὥς ἀναγκάζεσθαι εἰς τὸ πλάγιον ἢ οὐ κωλύεται φέρεσθαι. ut necesse sit in obliquum qua parte non prohibetur ferri.

37. Demum motuum contrarietatem, causam esse obliquæ motionis, etiam ex lib: Aristot: de animalium ortu doceri potest. Dū namque Aristoteles causam simplicis & crispi pili inquirat, ita scribit. *Simplex autem aut crispus pilus gignitur ob exhalationem, quæ pilis inest; si enim fumida extiterit, cum sit calida & sicca, crispum pilum efficiet; inflectitur enim, quoniam duabus fertur lationibus; terreum enim deorsum, calidum sursum fertur. Vnde & Auerroës Aristotelis verba exponens ita scribit. Quia fumus ex quo pilus crispus oritur, est compositus ex portione ignea & terrea, propter quam compositionem, quæret portio terrea impellere ipsum deorsum, & ignea sursum; quare contingit pilum inflecti, propter hos duos motus contrarios.*

38. Huius quoque sententiæ fuisse Theophrastum Arist: discipulum docet Alexander: qui ex mente Theophrasti obliquæ ventorum motionis causam adfert hanc, quod non simpliciter ex calida & sicca exhalatione orientur: ita enim sursum ferri eos oporteret. Vbi per qualitatem siccam eam intelligit, prout in igneâ naturam transit, non prout terream dicit portionem, cum alioqui & terrea exhalationis pars sicca dici debeat.

39. Quin etiam id ipsum de Theophrasto scribit Olympiodorus. his verbis. *Etenim Theophrastus inquit, in fumida hac exhalatione mixtam esse substantiam quandam igneam & terream, qua quidem mota contrario mo-*
tu, &

tu, & pugnantes obliquam efficiunt motionem etc. Et alibi: Dicebat enim Theophrastus, ventos obliquè moueri propterea, quòd eorum materia sit dissimilari, videlicet fumida exhalatio; cum enim partim quidem sit terrea, partim leuis, hoc quidem deorsum impetum faciente, hoc verò trabente sursum, oritur medius quidam motus obliquus, ob idq; obliquè venti mouentur.


Quinimò & eadem Theophrasti mens ex lib: eius de ventis intelligi potest, inquit namque. Quod autem ipse aër neq; à semetipso motus, neque à calore superatus, eiusmodi feratur latione, inde perspicuum est; si enim à semetipso moueretur, quia suâ naturâ frigidus sit, & multo vapore praeclitus deorsum ferri deberet: si verò à calore, sursum: ignis enim latio secundum naturam talis est. Nunc autem veluti ex ambobus mixta ventorum motio est, quia neutrum superat. Quibus verbis Theoph: explicans obliquæ motionis in vento causam, seorsum aërem sumit, & contemplatur, seorsumque rursum igneam exhalationis partem, quam de more τὸ θεῖον id est calorem appellat, atque dubitationem proponit, antequam veram huius effectiois causam adducat, nimirum venti motus obliquus, vel ab aëre causatur, vel exhalatione. Non quidem ab Aëre, quoniam aër tanquam vaporosus & humidus ad frigiditatem inclinatur, subindeque ad grauitatem, ideoque deorsum impetum facit: nec rursus ab ipsa exhalatione quæ aërem mouet, quoniam exhalatio per se sumpta, ex sua naturâ, tanquam calida, & materiæ igneæ, fertur in sublime, vt cum è terra sursum conscendit; vnde si aërem superaret, sursum illum moueret (intelligit enim de motu recto simplici Theophrastus, siue is sursum sit, siue deorsum.) Postea dubitationem tollens Theoph: ita concludit. Nunc autem veluti mixta ex ambobus latio est. quia neutrum superat: neutrum inquam, non aër, neque calida igneaque pars exhalationis, sed neutrum principium, grauitas scilicet, & leuitas, vt sensus sit. Venti motionem mixtam esse, ex motu sursum, & ex motu deorsum, proindeque obliquam, quia neutrum superet in mouente causa principium. Quibus clarè innuit Theophrastus, exhalationem aliquid passam ita postquam genita est temperari, vt neutrà naturâ, in ea superante, obliquè moueri ipsam sit necesse. Est igitur Theophr: sententia; Aërem in ventī motu non ex se moueri, quatenus frigidus & humidus existit, quia deorsum moueretur; sed ab exhalatione: itē non moueri ab exhalatione quatenus calor in ea vincit, quia sursum impetum faceret; sed ventorum lationem propterea obliquam esse, & mixtam ex his-

emotibus, quia in exhalatione neutrum principium, grauitas scilicet & leuitas superat, vt non nisi obliquè ferri possit, cum mouetur. Aërem verò eodem obliquo motu agitari, quoniam ab exhalatione sic temperata, moueatur.

41. Quod si in Theophrasti ratione per *neutrum* intelligamus aërem & exhalationem, ita vt sensus eius sit, idè aëris & venti motum obliquum esse, quia neque aër, qui deorsum tendit, neque exhalatio quæ sursum impetum facit, superat. Hinc fit vt ex amborum latione, mixta oriatur latio. Ea sanè interpretatio nullo modo erit admittenda, etenim hac ratione exhalatio, non per se & suâ naturâ, sed ab aëre coacta, obliquè moueretur, quod nullo modo voluit Theophrastus.

42. Hoc tamen non obstat, quod venti motus, obliquo modo, ex superno aëre deorsum communiter tendat & inclinet, (ex nubium enim loco cum moueri incipiunt, terram versus, impetum facere, licet obliquè, ventos obseruamus) aëris namque natura, quæ facilius deorsum moueri patitur, inclinationem eam ventorû versus inferna mirificè adiuuat.

VENTORVM NUMERVS ET SPECIES.

43.  N ventorum numero assignando, non vna est Physicorum, Medicorum, Astronomorum, & Geographorum sententia: varietas tamen illa omni vacat culpa, cum varij varios sibi habeant præscriptos scopos.

44. Plurimi crediderunt, ventos regionibus omnibus communes, ad quatuor summa genera reduci, superfluumque esse plures ventorum species ponere: ita vt pro quadruplici cæli & terræ partitione, quatuor quoque venti constituentur. Orienti Eurû; Occidenti Favonium; Meridiei Austrum; Septentrioni Boream particulariter attribuentes.

45. Galenus octo ventos posuit: facta namque figura orbis terrarû, diuisa in quatuor partes. Orientem, Occidentem, Meridiem, & Septentrionem, principes quatuor ventos constituit. Subsolanum, Favonium

nonium, Austrum, & Aparctian. Inter quos quatuor alios collocat. Nam inter Subsolanum & Austrum, post ortum Solis hybernium ponit Eurum; inter Austrum & Fauonium post hybernium Solis occasum Africum; inter Fauonium & Aparctian post Solis occasum æstium, eum qui Caurus nominatur; inter Aparctian & Subsolanum, post occasum æstium, Aquilonem.

Aristoteles vel decem vel vndecim ponit ventos, quorum 46.
Aquila à polo, Auster à Meridie spirat: sex ab ortu & occasu ternis punctis præcipuis; duobus videlicet Solstitijs & Æquinoctiali. Nam ab ortu Æquinoctiali spirat Subsolanus; ab ortu Solstitij æstiu Cæcias; ab occasu eiusdem Argestes; Ab occasu Æquinoctiali Fauonius; ab ortu solstitij hybernij, Vulturnus; ab occasu eiusdem Africus. Inter quos sibi opponuntur Auster & Aquilo; Item Cæcias & Africus; sic Vulturnus & Argestes; Fauonius præterea & Subsolanus. Deinde duos alios statuit, circa circulum semper apparentem, Mesen & Thrascian, quibus nullum ponit contrarium, nisi fortasse inquit Thrascia Phœnicias, qui vndecimus erit, opponatur.

Plinius Varronem secutus duodecim ventos constituit, ita ut 47.
terni à quatuor mundi cardinibus, penes quos distinctionem sumit, spirent. Atque in omnibus cum Aristotele consentit; nisi quod inter Austrum & Africum ponat Libonotum. & quod Boream siue Aquilonem ab Aparctia distinguens, nullam Mesis faciam mentionem, in huius loco illum collocat, & non ita Phœniciam ac Euronotum esse eadem cognouit.

Huc referendum schema duodecim ventorum antiquorum.

Species porro hæ ventorum licet à Philosophis descriptæ sunt 48.
speciatim, pro ijs qui habitant sub Æquatore (his namque ab occasu brumali Africus; ab ortu Eurum provenit) possunt tamen accommodari nobis zonam temperatam inhabitantibus, si non puncta ortus, sed tractum potius intelligamus. Itaque ortus brumalis

lis, occasus item brumalis, tractus cali censendi sunt, recta illis punctis respondentes, ex quibus venti illi oriuntur; aut terrae partes tractibus illis subiectae. unde Eurus & Africus à Brumali ortu & occasu provenire dicuntur, quia videlicet ex eodem illo cali tractu atque ex eadem parte illa à qua nobis sunt ortus & occasus brumales oriuntur. Sed etiam dici potest Austrum provenire, ex illo latere cursus Solis, hoc est ex eo tractu, qui ad alterum latus cursus Solis vergit, & ex puncto, qui lateri illo in Tropico recta respondet Austrum ad nos advenire. Itaque cum nos in zona temperata degentes, loca ex quibus venti oriuntur contemplamus, ita ea intuemur, tanquam si sub Aequatore essemus, ideoque ex utroque latere cursus solis ventos ad nos progredi dicimus: verè namque nostri respectu, Austri, Euri, & Africi ex vno latere ad nos veniunt, Caecias, Aquilo, & Argestes, ex altero, scilicet septentrionali. Diametri autem secundum quas fit oppositio, in Horizonte non totius terrae, sed nostrae duntaxat habitabilis, sunt desumendi.

49. Præter hosce ventos, alij præterea sunt, qui in quacunque regione & terrae situ possunt solentque excitari, quales sunt Ecnephias, Typhon Præster & huiusmodi, de quibus agit Aristoteles : Meteor.

50. Sunt præterea multis regionibus venti ἐπὶ χερσίων, qualis Apulius est, quem Atabulum vocat Galenus, qui, ut fama est, ita morbosus existit (ad Austrorum enim naturam tendit) ut omnes ferè incolae ictericos faciat. Sic Phasianis proprius est, quem Cenchron appellant. Atheniensibus quoque familiarem esse Scheronem (qui paululum ab Argeste deflectitur) reliquis Graeciae populis ignotum testatur Plinius. In Narbonensi Gallia Circius ita peculiaris est, & frequens, ut cæterae vicinae provinciae vix cum excipiant.

51. Sunt & venti determinati ratione temporis ex ortus eorum, ut sunt Prodromi, Etesiae, Ornithiae, & id generis alij.

52. Nautae demum una cum Geographis plures ponunt ventos, qui uti distinctioni terrae sunt utilissimi, ita ab hac nostra tractatione, in qua naturam & effecta ventorum potissimum consideramus omnino alieni: ideo nomina eorum in schemate proposita, huic nostrae tractationi sufficiunt.

Sequitur huc spectans quadratum
nauticum,

Austrum à Meridie flare, ex sententia tam Galeni quam Aristotelis: & Plinij antea diximus, quod etiam ex hisce Aristi: verbis est manifestum καλὲνται δὲ οἱ μὲν ἀπὸ τῆς ἀρκτῆς, βορέαι· οἱ δ' ἀπὸ τῆς μεσημβρίας, νότοι vocantur (inquit) qui ab arcto seu Vrsa flant, Aquilones, qui verò à Meridie Austri. Sic in ventorum descriptione speciali, Austrum Aquiloni contrarium statuit, ita scribens ἡστὸς ἐφ' οὗ ἡέσω, ἀρκτὸς τὸτ' ὁ ἐναντίος ἢ ἐναντίας, τὸ ἐφ' οὗ δ' μεσημβρία· ἄλλη δὲ διάμετρος τὰντων πρὸς ὁρὴν τέμνουσα. Boreas (inquit) ab ἡ in enim Vrsa, Contrarius autem huic auuster à δ', meridies enim est unde spirat, & autem & δ. contraria sunt, cum per diametrum discent.

Verum quæ loca per Meridiem intelligenda sint apud Aristotelem dubitant non pauci, aliquando namque ortum Austri definit, locis quæ sol non adit. Nam causam referens cur Aquilo & Auuster sæpius flent ita inquit. ἔτι δὲ τὰ γίνεσθαι μάλιστα πνεύματα ἀπ' αὐτῆς τῆς ἀρκτῆς καὶ μεσημβρίας, τὸ αὐτὸ αὐτίον· πλεῖστοι γὰρ βορέαι καὶ νότοι γίνονται τῶν ἀνέμων· ὁ γὰρ ἥλιος τὸτ' ὅτε μόνος οὐκ ἐπέρχεται τὰς τόπους, ἀλλὰ πρὸς τὸτ' καὶ ἀπὸ τὸτ', ἐπὶ θυσμῶν δὲ καὶ ἀνατολὰς καὶ φέρεται. adhuc (inquit) quod fiant maximè ab Vrsa & Meridie venti, eadem causa est: omnium namque ventorum plurimi Aquilones vt Austri spirare solent. Nam Sol hac loca non adit, sed ad ea sese applicat, ab eisq; dimouet: ad occasum verò & exortum continuè fertur. Quibus verbis dicit Austrum perinde ac Aquilonem ex locis ad latera cursus solis collocatis, & quæ soli pleuere ἐκ ἐπέχεται, hoc est non peruadit initium ducere. Meridiana autem loca sol non attingit duntaxat, verum etiam pertransit. Alibi idē Aristoteles expressis verbis asserit, ab æstiuâ conuersione proficisci, cum inquit. ὁ δὲ νότος ἀπὸ τῆς δεξιῆς τροπῆς πνεῖ, καὶ ἐκ ἀπὸ τῆς ἐξέως ἀρκτῆς. Auuster (inquit) ab æstiuâ versione & non ab altera Vrsa spirat. Quod idem paulò post repetit scribens. ὅτι μὲν οὖν ὁ νότος οὐκ ἐσιρ ἀπὸ τῶν ἐτέρας πόλιν πνέει ἀνέμος, δῆλον· Quod igitur Auuster ab altero polo non spiret manifestum est.

Verum Meridiem à polo Antarctico apud bonos authores distinguere solere satis docet Aphrodiseus ita scribens. Inquit autē habitabilem plagam, quæ nostra est, ad superiorem vergere polum, alterum verò ad meridiem,

em, & ad alterum polum: non quidem quod meridies ad ipsum polum sit, sed quia habito respectu ad nos, versus easdem partes, sit polus, secundum quas meridies nobis est. Quia etiam definit idem Aphrodiseus, propriè per meridie[m] intelligi æstiuum circulum hisce verbis. Videtur autem Aristoteles modò exquisitè & exactè inquirens ostendere, quomodo ab æstiuis versionibus ad nos spirat Auster: sub his enim meridies nobis est. Efflans igitur illinc versus Vrsam, ad habitabilem nostram accedit, quæ ad Vrsam vergens sita est. &c.

36. Sed quomodo Auster fiat à locis, quæ vnica Sol non peruadit, cum æstiuam conuersionem à Sole adiri sit manifestum? An ἡ ἐπίσχετα; idem est quod οὐκ ἔστι φέρεσθαι. id est. non semper fertur? cum enim Sol quotidie ad ortum & occasum accedat, non ita tamen ad circulum æstiuum & Vrsam.

37. Quomodo demum Sol inter Austrum & Aquilonem videatur, inquirendum, cùm tam Auster quàm Aquilo ab eodem latere videantur. An Arist: sententiam intelligendam esse, de ijs duntaxat, qui sub Æquatore degunt, asseremus? an verò dicendum Aristoteli & Theophrasto Austrum & Aquilonem ex locis quæ ad alterum ex duobus lateribus cursus Solis sunt excitari, & ex altero latere relationis ipsius? sicquæ ἐκ ἑκάτερας nihil aliud significare dicemus quam πλάγιον: nequæ enim semper vtramquæ partem vel loca vtraquæ dicit, sed interdum alterutrum. An locum, ex quo dicitur status aliquis aduenire, cæli potius tractum (vti & antea monuimus) indicare dicemus? An demum Auster poterit ex locis Æquatori subiectis provenire? sicquæ Solis cursum interiectum esse inter eos terræ tractus, ex quibus Austri manant, & Aquilones, verè licebit affirmare.

38. Aliquando origo Austri per certam regionem ab Arist: determinatur, nam vel in Libya, vel propè eandem oriri asserit. Vbi Libyæ nomine, eum potissimum intelligit terræ tractum, qui ab æstiuali circulo ad nos vergit, atque sub eo collocatur, & circiter: vnde & Ægyptum origini Austri vicinam esse cum Aristotele statuit Theophrastus.

39. Quinetiam Aristoteles opinionem suam hisce probat verbis. ὅτι μὲν οὖν ὁ νότος ὅκ' ἐστὶν ἀπὸ τῶν ἐτέρας πόλεων πνέων ἄνεμος, δῆλον· ἐπεὶ οὐτ' ἐκένος οὔτε ὁ ἀπὸ χιμερινῶν τροπῶν· δέοι γὰρ αὖ ἄλλοι ἀπὸ θερινῆς εἶναι τροπῆς, οὕτω γὰρ τὸ ἀνάλογον ἀποδώσει, νῦν δὲ οὐκ ἔστιν. εἰς γὰρ μέρος φαίνεται πνέων ἐκ τῶν ἐκένθεν τόπων, ὥς τ' ἀνάγκη τὸν ἀπὸ κεκαμμένους τόπος πνέοντα ἄνεμον, εἶναι νότον. Quod igitur Auster ab altero polo

non

non aspires, manifestum est, quando nec ipse quidem ab hyemali conuersione spiret. Nam alium ab æstiuâ venire conuersione oporteret, sic enim proportionis ratio exigit. Nunc autem non est. (nempe non videmus duos ventos ex illis locis flare) solus enim vnus ex illis locis spirare videtur. Quare necessarium sit, vt ventus qui ab exusta terrarum parte spirat, Austri sit. Rationis Aristotelicæ vis est hæc. Si ad nos flaret ventus ab hyemali conuersione, etiam ab æstiuâ flaret alter, sicque duo essent Austri, quod doceri potest ex proportionem Solis ad loca. Nam Sol licuti se habet ad brumales conuersiones, ita aliquando ad æstiuas; sed hoc repugnat experientia. Vnum namque duntaxat ventum inde spirare percipimus, igitur ab æstiuâ conuersione, tanquam loco nobis viciniore spirare censendus est.

Quod verò ponit tanquam manifestum Aristoteles, duos ventos 60
 è locis illis nobis non spirare, sed vnum tantum, inde habere firmitatem videtur, quia cum Sol ingreditur Aquarium, non solum Etesia Australes non spirant ita continenter, veluti Aquilonares, cum idem Leonis initium tenet, sed nullo modo spirant; etsi Sol distantia ratione in Aquario existens, eandem habeat ad brumales versiones proportionem, quam habet ad æstiuas, cum in Leone reperitur; quæ res argumento est, vnum tantum ventum nobis è latere Meridionali, atque ex vno tantum loco exoriri.


Manifestum hinc est errasse Valleriolam, dum inquit Aristote- 61
 lem prædictis verbis sui immemorem dixisse, nullum ventum ab æstiuâ conuersione flare, maximè enim inde flare Aristoteles asseruit, sed deceptus videtur versione latina, quæ verba illa, *ὅτι οὐκ ἔστιν*, ita transfert. Nunc autem nullus est, Ventus scilicet, qui ab æstiuâ conuersione spiret. Quæ versio omnino ipsi Aristoteli repugnat.

Aliud præterea est Aristotelis, à conuersione æstiuâ oriri Au- 62
 strum, argumentum, quia in Australi extra Libyam mari nec flant Noti, nec Aquilones, sed horum ventorum loco, Subsolani ibi & Fauonij spirant plurimi; Quam veritatem nauigationum noui orbis libri mirifice comprobant, qui idem testantur, ac præterea vnū Aquilonem loca ista nunquam aut rarissime peruadere; vt videre est in eo tractatu qui inscribitur *Nauigatio ad Insulam, s. Thomæ*, atq; in prima epistola Andrea Corfalis, & alibi, quibus lib: docetur, regiones & maria Aequatori subiecta non Austris, & Aquilonibus, sed Fauonijs & Subsolanis perflari, adeo vt in Africo mari & Indico,

C. à Maio

à Maio mense ad Octobrem, occidui flatūs perpetuò dominantur, alij sex mensibus Fauonij. Quod totum etiam prædicto loco indicauit Aristoteles.

DIFFERENTIAE VENTORVM.

63.  Entorum differentias potissimum ex temperamento desumi, primus ostendit Diuinus Hippocrates: cùm enim doceret quænam medico cognitu sunt necessaria, post anni tempora, subdit. *Deinde verò ventos & calidos & frigidos &c.* Hippocratem insecutus Aristoteles, & ipse hanc differentiam assumit, ita scribens. *Ventus igitur frigore & calore atq; tepore distinctus &c.* Nobis itaq; hæ differentia potissimum sunt considerandæ.
64. Aquilonij, qui videlicet naturam Septentrionalem habent, frigidiores sunt, sicuti & à Meridionalibus partibus exorientes, citra controuersiam omnes calidi.
65. Verùm huic distinctioni contrarius esse videtur Hippocrates, ventos omnes frigidos & humidos esse naturâ asserens: cuius quoq; rationem adducit hanc, quòd videlicet à niuib, gelu, stagnis, fluminibus, locisq; humidis proueniant; ideoq; inquit omnes pro sua natura refrigerant, verùm pro locorum diuersitate magis minusue.
66. An forsan dicendum, quòd si ventorum materiam remotam, & subiectum ex quo proxima materia ventorum generatur, quinimò & modum quo propriam formam assequatur, consideremus; omnes venti frigidi dici possint, quia videlicet (vt ex Hippocrate diximus) à locis frigidis potissimum eleuantur, & à materia frigida; terra videlicet, aqua imbuta niue, glacie, &c? Si demùm exhalationē spectemus, ea venti naturam nondum suscepit, sed fumus potius dicitur, quousq; sursum atq; in superam aëris regionem tendens, tandem deorsum mota, ventus efficiatur.
67. Accedit quod venti calidi & frigidi dicantur Philosophis, ratione regionum per quas perflando transeunt; quamuis enim ratione originis frigidi sunt, omnes tamen si per calidas regiones ferantur, calidi euadunt. Quod expansiuis qualitatibus hoc modo ostendi posset: cùm enim certum sit exhalationes naturâ suâ esse siccitas, venti tamen qui ex exhalationibus constituuntur, quandoq; humidi perferuntur, quid ergo prohibet eosdem nonnunquam suscipere caliditatem? Hisce.

Hicce astipulatur Hippocrates; postquam enim ventos omnes frigidos esse docuit, subdit, Verum propter situm regionum & locorum, per quæ venti ad singulas regiones accedunt, diuersi euadunt, frigidiore, calidiores, humidiores, sicciore, morbosiores, & salubriore. Similem quoque ferè rationem adducit Aristoteles, dum quærit, quare nobis auster calidus, ijs vero qui Africam & Libyam incolunt frigidus sit?

Huc etiam commodè referuntur ventorum differentia, quæ ab ortu & occasu desumuntur; etenim Orientales occidentalibus calidiores statuit Aristoteles, & post eum Galenus. Causam adfert Aristoteles, quòd loca quæ ad ortum sita sunt, diutius sub Sole morantur. Ratio hæc omnibus parit difficultatem, cum ad omnes terræ partes, quæ à Sole quotidie illuminantur & calefiunt, æqualiter ille accedere videatur, quamuis horis diuersis: difficileque sit videre, quomodo orientales partes diutius Solem habeant super se, quam occidentales, cum Sol neque conquiescat, neque respectu harum duarum partium moueatur inæqualiter.


Aphrodisæus & Olympiodorus conantur Aristotelem explicare, & à calumnia vindicare, dicentes quòd Sol orientalibus primus adest quam occidentalibus, & statim illas partes radijs suis calefacere tolet, semperque in eo officio persistit, donec occidat; Occidentales verò sicuti tardiùs illuminantur, ita etiam breuiori tempore illuminatæ calefiunt, quod & tardiùs radios excipiant, & citò deferantur.

Verum hæc à rei veritate aliena iudicamus; nam cum Sol Horizontem transgressus, terræ nostræ hemisphærium illuminare incipit, tam orientalibus quam occidentalibus æquè radios impartitur. Quod si occidentales tardiùs vim radiorum Solis persentire dicamus, illas easdem etiam tardiùs deferi affirmabimus, vnde æqualis erit & par ratio. Accedit, quod is qui oriens nobis est, alijs occidens sit, & qui occidens nobis est, alijs oriens, totque occidentes & orientes habeantur, quot in longitudine sunt habitationes.

Auerroës hanc rationem corroborat duabus alijs, quarum prior hæc est, quod oriens dextra pars sit cæli, occidens sinistra, ideoque meritò oriens sit calidior. Verum hæc ratio friuola est. Videtur namque Auerroës cælum animal aliquod constituere, in quo, ratione cordis (quod fons caloris existit) vna pars altera est calidior: quinimo animalia in sinistris calidiora sunt, ob sedem caloris & fontem qui in ea parte consistit. Accedit quòd hæ partes non reales sunt.

sunt, sed imaginariæ; Quæ enim nobis orientales sunt, alijs sunt occidentales; imaginaria verò effectuum realium causæ esse nequeunt. Nec plus virium altera eius habet causa, cum enim inquit orientalibus partibus per octo horas Sol adsit, nimirum sex ab ortu ad Meridiem, deinde duabus ante ortum. Occidentalibus verò sex, illis duntaxat, quæ à Meridie ad occasum intercedunt: duabus autem horis post occasum non potest calefacere, quia recedens frigori minùs resistit. Verùm vt Auerroës aliquam adducat causam maioris caloris in orientalibus partibus quàm occidentalibus, non tamen Aristotelis rationem explicat, cur partes orientales diutiùs sub Sole morentur.

DE QUALITATIBVS SINGVLORVM VENTORVM.

73.  Vb solanus ἀπὸ λωτῆς ab ortu Solis æquinoctiali venit, suavis est, purus, temperatus, & saluberrimus, vt docebat Auicenna in 2. Fen. 1. doctrina, 2. Summa, 1. cap: 10. Temperies autem hæc in passivis qualitatibus intelligitur. Dicitur autem temperatus, non quòd perpetuò talis, sit, sed quòd cum in principio diei & in fine noctis exoriatur, minùs humidus est, sed potiùs leuiter exsiccat: secus quàm si in fine diei & in principio noctis flare incipiat, qua ratione excessus humiditatis non notabilis, siccitate eiusdem tollitur.
74. Quòd verò quibusdam regionibus, vti Italis, & potissimùm Neapolitanis insalubris sit & pluuiosus, id non ex natura venti procedit, sed ratione situs regionum ad mare orientale.
75. Idem ventus in actiuis qualitatibus ad caliditatem vergit, non multum tamen excedit, vt rectè docet Aristoteles.
76. Quod si Ptolomæo. 1. de astrorum iudicijs particula, 39. Subsolanus calidissimus dicitur, de orientali qui ab exortu brumali spirat, quique Vulturnus nuncupatur, intelligendum est.
77. Eurus siue Vulturnus εὐρος calidus est, vt docet Aristoteles, cuius causa sunt radij solares, rectiùs per puncta ortus brumalis recepti. Siccus quoque naturaliter, licet processu temporis ab Austris humidus fiat & pluuiosus, ideoque naturam suam amittat, vt rectè docet Plinius 2. Hist. Natur: cap. 46.

Cæcias καίσιος nascitur à pūctō ortus æstiu; cūmq̃ue orienta- 78.
lis sit, calidus est, sed minùs quàm duo reliqui orientales, ideoq̃ue
eorum comparatione aliquando ab Aristotele & Theophrasto vo-
catur frigidus. Humidus quoq̃ue est non parum. Cum enim medius
sit inter Subsolanum & Mese, ab illo mediocrem nanciscitur hu-
miditatem, frigiditatem autem mediocrem à Mese; hanc enim cau-
sam dicebat esse Aristoteles, cur cælum vehementer nubibus denset
Cæcias.

Septentrio ἀπάρκτιος ab Vr̃sa spirat frigidus est, quod ad illa 79.
loca vis radiorum Solis non perueniat: Siccus quoq̃ue, quod exhalatio
magna ex parte educatur.

Serenitatem quoque ex sua natura inuehit, tūm quia recto quasi 80.
tramite (ex propinquis enim ad nos peruenit) flare videatur. Quare
nubes illi obuias dissipat, pluuiarumq̃ue omnino materiam consumit:
tūm quia frigiditate & siccitate quo minus vapores eleuentur à terra,
impedit: quinimo terram condensat & exsiccat, ita vt vapores eleuari nequeant.

Hippocrates dum Boreos humidos & pluuiosos statuit, per 81.
Boreos more Geographorum, Astronomorum, quandoq̃ue etiam Medicorum,
laterales intelligit versus Subsolanum, atq̃ue ratione eius Aquilonium annum dicere licebit pluuiosum.

Meses μέσος (aut Aquilo siue Boreas, si eum cum Medicis & 82.
Geographis ab Aparctia separantes eundem cum Mese faciamus) lateralis
est Aparctiæ versus ortum, frigidus quidem est sed humidus. Atq̃ue ea
ratione Aristoteli & Theophrasto niuosus, non adeò tamen vt Septentrio,
quod minori frigiditati adiunctam habeat humiditatem.

Thracias θρακίας Aparctiæ collateralis est, occidentem versus: 83.
eandem ferè naturam habet atq̃ue Septentrio; frigidus enim est & siccus,
quare naturâ suâ serenitatem parit. Verùm quoniam in frigiditate &
siccitate remissior est Aparctiâ, si materiam nactus fuerit, remissiores
etiam parit effectus, hoc est non niuem, sed grandinem.

Fauonius ζέφυρος ab occasu Æquinoctiali venit, in actiuis qua- 84.
litatibus ad frigiditatem vergens, teste Aristotele & Theophrasto, qui etiam
frigiditatis hanc tradit rationem, quòd vesp̃eri ex mari lociq̃ue apertis
spiret, & post hyemem Sole vixdum reuigente aut Autumno, cum Sol non multum
viget. Minus tamen est frigidus quam

quàm Boreas & collateralis eius Argestes; atque hac ratione temperatus aliquando dicitur Aristoteli.

35. Sed difficultatem parit, quod Aristoteles æstuosos esse Fauonium, Austrum, & Vulturum, asserat. An forsàn æstuosus dicitur, quod æstate spiret? Id sanè ridebunt Græcæ linguæ periti. Præterea Aristoteles loquitur de eo non seorsim, sed cum Austro & Vulturno, qui non æstuosi dicuntur quod æstate spirent, sed quod naturâ calidi. Accedit quod Fauonius rarè admodum æstate spiret, sed initio Veris & Autumni, vt docent Aristoteles, Theophrastus, & Plinius.

36. Neque etiam comparatione ad reliquos æstuosos dici potest: respectu namque ventorum Septentrionalium tantummodo talis est, cum respectu cæterorum omnium, vt Orientalium & Meridionalium, frigidus sit. Præterea ponitur ab Aristotele inter Austrum & Eurum, qui non calidi & æstuosi comparatione dicuntur, sed absolute & naturâ suâ.

37. Placet itaque nobis Ludouici Septilij sententia, qui nomen illud καυματώδης quo vtitur Aristoteles, non ætuosos, sed ignitas impressiones, siue κάυματα ferentes interpretatur. Cum enim eo loco Aristoteles non de primis qualitatibus ampliùs verba faceret, sed de actionibus ex natura, & qualitatibus prouenientibus, non erat quod de primis qualitatibus ventorum horum trium (de quibus antea egerat) iterum tractaret. Dixerat enim Mesen esse υπερώδην, sed magis Septentrionem. Mox inquit χαλαρώδης δ' ὁ ἀπ' ἀρκτικής καὶ θρασικής καὶ ἀργεῆς: hoc est, grandinosus autem Septentrio, Thrasicæ, & Argestæ. Demùm subdit καυματώδης δὲ νότος καὶ ζέφυρος καὶ εὖρος. Hoc est, caumata ferentes Ausser, Fauonius, & Vulturum. Ita quoque propemodum loquitur Theophrastus in libello de signis ventorum.

38. Cur verò Fauonius ignitas pariat impressiones causa est hæc. Ignitarum impressionum aërearumque materia Aristoteli est exhalatio, cui iuncta sit materia quasi vntuosa. Fauonius autem ob teporem & naturalem humiditatem, naturam sortitus est vntuosis quàm proximam, ideo eo spirante, igneæ impressiones sæpè numero apparent.

39. In passiuis qualitatibus Fauonius humidus est, & quibusdam regionibus valde insalubris: vt Vasconiz, cui tantum pernicipi afferre asseruit Scaliger, vt rarè sine incolarum pauore & detestatione ingruat, Italia

Italiæ tamen alijsque regionibus quam plurimis siccus est & fa- 90.
lubris, serenitatem partens, Vnde & à Poëtis, tantoperè commenda-
tur, quod Veris initium iam adesse nobis ostendat. De eo ita canis
Homerus.

Αἶψ' αὖτ' ἰ Ζεφύροιο δ' ἰατρὸν ὀνομαστέον.

Hoc est secundum Gazam.

Sed Zephyri assidue spirant, venti, salubres.

Poëta quoque Italicus.

Zefiro spira, el bel tempo vimenà.

hoc est.

Aspirat Zephyrus redeunt iam tempora clara.

Quapropter Aristoteles moderatissimum, gratissimum, iucundis-
simum, & serenissimum appellat. Quemadmodum etiam Celsus
cùm Fauonium saluberrimum statuit. Vesperis autem magis hanc sa-
lubritatem habet, vti docet Auicenna.

Argestes ἀργέστος, Corus, Olympias, Schiron, Galeno Caurus, 91.
frigidus est, frigidiorque reliquis occidentalibus quod Septentrioni
vicinior sit; grandinosus est, vt antea ex Aristotele ostendimus.

Africus αὐρὸς Fauonio lateralis est, subfrigidus, sed insigniter hu- 92.
midus Aristotele teste, quod medius sit inter Fauonium & Libo-
notum; Vnde ab illo frigiditatem mediocrem, ab hoc insignem hu-
miditatem nanciscitur. Quapropter nubibus calum densare, dice-
bat Aristoteles.

Auster νότος è medio plagæ Meridionalis spirat, in origine sua 93.
frigidus est, neque id mirum, tum quod hoc omni vento sit com-
mune, tum quod Aristotele & Theophrasto referentibus regio Me-
ridionalis ad id sit montuosa, vt niues glaciesque ei non desint, ex
quibus Austri excitati, frigidos in sui ortus initio se præbeant. Gla-
ciem itaque & humidam materiam sufficientem habent ea loca, li-
cet non tantam, quanta ad Septentrionem congregatur. Hinc etiam
Etesiae Austrini minores sunt, minusque continui quàm Septentri-
onales.

Frigiditatis aliam rationem adducit Valleriola, nimirum quod 94.
Auster à polo Antartico, qui frigidus est, proueniens, in Libya fiat
calidus. Verùm rationem hanc, salua pace illius viri, ineptam
iudicamus. Nam si Auster à polo Antartico exoriens, ad Libyam
perueniret, quomodo totam torridam zonam pertransiens, circu-
lum inquam Capricorni & Equatorem calidus Libycis non adue-
taret?

taret? certe non potest hoc non fateri Valleriola, qui Austrum in Libya frigidum, ad nos calidum, peruenire scribit, quoniam in itinere calefcit.

95. Idem Auster statim post principium calidus existit, quia statim aëri Libyco, qui calidus est, miscetur: Ventus namque omnis aëris quem ingreditur qualitatem statim induit. Vnde Hippocrates Austrum in Libya calidum esse & siccum colligebat. Cum verò Auster mare Africum ingreditur, ob vim maximam & calorem, ingentes in eo fluctus excitat, cumque humiditatem plurimam hauriat & vapores, non calidus tantum, sed maximè humidus ad loca nostra accedit, ut pulchrè docuit Hippocrates hisce verbis. ἐν μὲρ οὐρ τοῖσιν ἔγγιστα χωρίοισιν ἀνάγκη τοιαύτῳ δυνάμιν ἀποδιδόναι θεσμὴν καὶ ζήν, καὶ ποιεῖν τότο ἐν τῇ Λιβύῃ, τάτε φνόμενα ἐξαυαίνεται, καὶ τὸς ἐκθρώπους λαμβάνει ἀποξηραίνων ἅτε γὰρ οὐκ ἔχωρ οὔτε ἐκ θαλάσσης ἰκμάδα λαβέν, οὔτε ἐκ ποτάμῳ, καὶ ἐκ τῶν ζώων, καὶ τῶν φυομένων ἐκπίνει τὸ ὑγρόν· ὁκοῦται δὲ τὸ πέλαγος περαιώσῃ. ἅτε θεσμὸς ὦρ καὶ ἀραιός, ποναλλῆς ὑγρασίης ἐμπύπτῳσι τῶν χώρων ἐμπύπτῳ· ἀνάγκη δὲ τὸν νότον, θεσμὸν τε καὶ ὑγρόν εἶναι, ὅκου μὴ τῶν χωρίων αἱ θέσις αὐτῶν ἐστίν. Proinde etiam in proximis regionibus necesse est, ipsum talem vim calidam ac siccam exercere, quod ipsum sanè in Libya facit, ubi & è terra nascentia exarescunt, & homines latenter resiccantur. Nam cum neq̃, è mari, neq̃, è fluuii humiditatem hauriat, ex animantibus ac Plantis humorem ebibit. Posteaquam verò pelagus transferit, calidus & rarus existens, multà humiditate regionem in quam illabitur, implet: ut proinde necesse sit Austrum calidum ac humidum esse, nisi regionum situs alterius qualitatis causa extiterit.

96. Post Hippocratem ita Aristoteles θεσμὸς δὲ ἐστὶ διὰ τὸ μίγνυσθαι τὸ πνεῦμα τῷ κατὰ Λιβυὴν ἀερί θεσμῷ ὄντι καὶ διὰ τότο μεγαλυύνω, νοτίζειν ποιεῖ τὸ θέρος ἐμπύπτῳ τὴν θάλατταν. Hoc est. Calidus autem est quia spiritus illius miscetur aëri Libyco, qui calidus est, & ob id magnos fluctus excitans, humida omnia reddit, astate in mare irruens. Sic alibi Austrum calidum esse, quia aërem calidum ex Libya ad nos deferat, hisce verbis concludit. ὁ δὲ νότος λίγων ὑδατῶδης ὅτι ψυχρὸς ὁ πρῶτος φερόμενος ὅς ἐκ τῆς θαλάσσης· ὁ δὲ τελευταῖος διὰ θεσμοῦ, ὃν ἀπὸ τῆς γῆς κομίζει. Auster autem deficiens pluuus est, quoniam aër quem ipse primum ad

nos de mari affert frigidus est; ille verd quem postremò adducit calidus, quem d
terra deportat. Atqui postremum aërem, quem calidum secum ex
terra Libya afferre Austrum, dicit Aristoteles, à nulla alia terra,
quàm à Libyæ continente, certum est Austrum accipere posse.

Libonotus λιβόνωτος qui ab Aristotele omissus est, cum Austri 97.
sit lateralis, vicinūque habeat Liba, meritò calidus erit, in pasi-
uis autem non mediocriter humidus ratione principalis sui, cuius
naturam maximè referre debet, tum etiam ratione adiacentis
Africi.

Euronotus siue Phancias, εὐρονότος, φοινίκας, calidus est, & 98.
humidus, minus tamen quàm Auster, cum ad naturam Subsolani
paulisper accedat.

EFFECTA VENTORVM IN REGI-
ONES QUÆ IIS PECVLIA RITER
SVNT EXPOSITÆ.

ET PRIMVM EFFECTA MERI-
DIONALIVM.

A Oca Austrum spectantia multis aquis referta sunt; 99.
adeft enim in ijs & locus & materia et efficiens causa
aquarum. Venti namque illius calor peculiaris hic
adeft, qui & aërem internum alterando, & ex aquis va-
pores eleuando, aquas multas potest producere: potissimū cum
Austri proprium sit poros terræ aperire, atque etiam humectare;
vnde vim suam facilius etsi non profundius immittens, humiditate
etiam propria, vltra caliditatem aquas faciliè potest excitare.

Aquæ autem hæ subsalsæ esse solent, Aristotele referente; quod 100.
verum potissimū est in locis maritimis, aut à mari non multū
remotis, quia vi ventorum Austrinorum, marina aqua magis per
terræ venas siue cuniculos impulsæ, nec longum tractum dimeti-
ens, minusque etiam pura reddita, salsedinem naturalem diutius
retinet. Verum præterea est in regionibus versus torridam zonam
sitis; cum enim Austri calidissimi sint, terram adurere & quasi in-
cendium gignere possunt, vnde salsedo (quæ ex sicco terreno vi ca-
loris magni attenuato & adusto, aquosoque humido permisto fit)

D

excitari

excitari in aqua potest. In locis Septentrionalibus non maritimis id vix vlpam reperitur.

101. Præterea aquæ huius tractus sublimes sunt, hoc est, non ex profundo ortæ; venti namque calidissimi & humidissimi aquas multas gignunt, multæ autem aquæ solent & sublimes & propè superficiem esse.

102. Demùm aquæ hæ, æstate calidæ sunt, hyeme frigidæ, quod sublimitatem necessariò insequitur. Nam Sol eas faciliè attingere, radiisque in eas agere potest æstate potissimùm, cum & dilatati sunt meatus terræ, per quos & calidus ventus faciliè potest permeare, & Solis radij penetrantes, effectus proprios possunt producere. Hyeme verò, cum neque adsit tanta constipatio prohibens, quo minùs aër internè occlusus refrigerat, nec vlla adsit antiperistasis, ideò faciliè poris terræ patefactis, ob ventos id operantes, ambientis frigiditas pro ratione temporis, potest suam aquæ impartiri qualitatem, & in sui similitudinem trahere.

103. HOMINES capita humida & pituitosa naturaliter habere par est; humefacto enim & calefacto aëre magis quàm par sit, corporibusque nostris addita qualitatis superfluitate, capite grauamur, auditu visusque obtusiores fimus, torpemus, & resoluihur viribus. Etenim in cerebrum neruorum fontem attracto naribus aëre graui, crasso humidoque, imò & eodem aliunde occultè fallentibus nos vijs inuecto, repletisque ita ventriculorum cavitatibus, spiritu impuriore caput potissimùm humidum reddi, pituitaque affluere necesse est, cæteraque omnia humescere.

104. Hinc sensus omnes torpere sensoriaque humescere, mentisque acie remitti necesse est; quomodo enim caput suū anima tanto humore grauata in altū attollere poterit, quæ vt οφωτάτη sit, ξυγωτάτη prius sit oporteat? aut quomodo eandem ob causam caligantes spiritus animæ instrumenta omnia sua rectè exercebunt, quibus expedite obeundis limpidos eos illustresque esse necesse sit? Iam ex paulò magis humido cerebro humida simul ideoque densior facta neruorum substantia, præter id quod turbidioris spiritus progressum impediat, humore etiam ita resoluta, contentionem motuum facere, aut vllam fortem poterit, aut merito segne indè languidumque ad se mouendum quasi que resolutum reddatur corpus totum,

tum, ut docet Hippocrates. Hic tamen effectus, tum verus censendus est, ubi diutius fiat Auster.

Aluum habent lubricam, quia corpus vniuersum humidum 105. est; hinc Galenus docuit, dum pituita è capite ad ventrem defluit sequi alui profluvium.

Cibi appetitum habent deiectum; tum quia materiâ non eget, 106. tum quia concoquere non potest. Natiuus enim ventriculi ceterarumque partium calor imbecillis est, nec multam substantiam consumit, ideoque suctus non fit, appetentiaque deijcitur. Accedit quod ventriculus multis humoribus pituitosis refertus, non trahat à vicinis partibus.

Potus copiam non desiderant; ex capite namque multa pituita 107. ad infernas partes delapsa, humidum os ventriculi reddit, unde non potest tam vehemens sitis excitari.

Nec quoque vini copiam, citra insignem noxam admittunt; 108. nam caput infirmum multisque humoribus pituitosis refertum, à vino facile læditur teste Galeno; vinum autem naturam habet calidam, & facile penetrabilem, ob partium subtilitatem, ideo promptissimè omnia permeat atque subintrat: nervosum genus facillimè replet, facile denique sursum fertur.

MULIERES viris magis morbis obnoxie sunt; cum enim frigidiore & humidiores, laxioris quoque & rarioris texture sint quam viri, ideoque multò magis pituitosis excrementis refertæ, ideo facilius & promptius à ventis Austrinis, qui poros aperire solent, alterantur.

Ex istis mulieribus plurimæ fluxionibus sunt obnoxie; omnes namque capita ferè humida & multâ pituitâ referta habent, 110. ideoque fluxionibus ad subiectas particulas nares, oculos, throatem, fauces, vertebrae, ventrem inferiorem, tum & maximè ad vterum totamque carnem tentari poterunt; quod magis in mulieribus locum habet, ob connatam ipsi materialem humiditatem, maioremque laxitatem.

Eademque plerumque steriles esse solent; quod vtero fluxionibus vexato ascribendum est. Nam semen virile vel ex vtero elabatur, ob nimiam eius humiditatem, vel si retineatur, extinguitur, non aliter quam in terra palustri cerealium semina; ut cum Hippocrate docet Galenus. His accedit, quod ob rarefactos poros, multoque sanguine

languine excrementitio, & aquosâ materiâ aliunde ad vterum defluentibus, menses incitati magis fluant, quàm par sit, à quibus nempe sterilitatem euenire solere, cum Hippocrate & Galeno demonstrant Græci omnes, quinimo & inter Arabes Auicenna.

112. Sterilitas porrò hæc, non à natura prouenit, sed à morbo; alioqui situs Austrinus sæcunditatem gigneret. Etenim sæcundæ naturæ passim ab Hippocrate censentur, quæ calidæ sunt & humidæ. Præterea cum vterus naturâ suâ frigidus sit & siccus, in locis Austrû spectantibus ad temperiem reduci posset, caliditate & humiditate aëris ventorumque adiuuante, nisi aduentitia & morbosa causa aliunde defluente sterilis fieret.

113. Abortus sunt frequentes; docent namque Hippocrates & Galenus abortum frequenter, etiam sine manifesta occasione, in ijs fieri quibus multis mucoribus vteri acetabula referta sunt, dum ligamenta præ humore graue onus ferre nequeunt, sed disrumpuntur. Cum igitur in regione Austris exposita caput mucore & pituita refertum sit, ad infernas transmittat partes necesse est. Cum verò vterus cauitas sit, eò etiam affluat oportet; vnde etiam cotyledones emoliti facillè disrumpuntur, abortusque sequitur, vt lib: de morbis muliebribus docet Hippocrates. Auget etiam huius rei occasionem, quod vniuersum corpus laxum est, spina autem debilis, aperta que satis omnia vascula; vnde monente Hippocrate abortum succedere par est. Quod si copiosiores quam par est frequentioresque fluxiones & menstruorum alba que materiæ in iisdem ob eandem causas solent contingere, quid mirû si abortus sequi soleant? Nam sanguis Galenò docente ex ceruice vteri profluens, abortus causa est. Den.ùm qui talem sitû ad ventos Austrinos sortiti sunt, facillè vt postea docebimus alui profluuiio tentantur: mulierem autem vterogentem aluo plurimum fluente abortire scribit Hippocrates.

114. PVERI conuulsionibus laborare solent, cum namque conuulsio fieri soleat ab inanitione vel repletione, ea sanè quæ à repletionem sit, quæque puerorum alioqui peculiaris est, ob natiuam eorum humiditatem, multas cruditates congestas nervosarumque partium mollitiem, pueris in eiusmodi locis degentibus frequentius accidit, accedente insuper aduentitiâ tum in capite tum in vniuerso corpore humiditate ac mollitie. Austris enim frequenter perflantibus, nervosas partes madefieri magis, atque irrigari necesse est,

est, ita ut ijs in tumorem eleuatis præter naturam & secundum latitudinem dilatatis atque in longitudinem decurtatis conuelli & versus proprium principium partes inde trahi necesse sit.

Iisdem quoque Asthmata accidere solent; cum ultra peculiarem capitis humiditatem, aduentitia quoque multa ob ventos accedat, quâ & capita replentur, & spirituales partes ad recipiendum magis fiunt idoneæ, aëris & ventorum humida natura eliquatione & fluxum adiuuante: nam Asthmata ex impedita via respirationis, à multis crassis viscidisque humoribus, à capite ad partes thoracis defluentibus, plerumque fieri docuit Galenus.

Epilepsiam quoque iisdem accidere mirum non est; cum namque epilepsia fiat meatibus cerebri à crassa viscidaque pituita, aut etiam atro humore obstructis, pueri autem naturâ suâ humidissimi sunt, potissimum autem capite, tum ob naturalem temperaturam, tum ob edacitatem, ideò multam quoque pituitam in capite potissimum aggregari necesse est. Quare accedente vento Austrino augetur pituita; unde epilepsia. Accedit quoque quod Auster pituitâ extenuet & ad cerebrum impellat, ut docuit Auicenna.

VIRIS dysenteriae accidunt; cum namque ea viris sit peculiaris docet Hippocrate, ideò accedentibus ventis Austrinis, qui capita efficiunt humida, & multâ pituitâ replent, quin etiâ calefaciunt, putredinem & subinde falsedinem gignunt, potissimum in ætate illa calida; quid mirum si eadem pituita postmodum in intestina ob grauitatem deriuata, fluxus alui sanguinei, cum exulceratione intestinorum generentur, falsâ pituitâ intestinorum internis tunicis adhærente & abradente, tum & bile illi admixta?

Diarrhæa viris est frequens; nam cum & hæc sit viris peculiaris, si tanta non accedat caliditas, quæ putredinem conciret, falsedinem faciat, aut multam bilem admixtam gignat, tunc capitibus per ventos Austrinos humectatis, & multâ pituitâ refertis, mirum non est, si ea simplex non mordicans, à capite defluxa ad intestina profluuium excitet. Vnde scripsit Hippocrates, excrementa in alui profluuijs, significare pituitam eorum causam esse à capite defluxam.

Epilepsia iisdem quoque accidunt; cum enim pituitosa capita habeant, vniuersumque corpus hac ratione affluat, accedentibus causis putredini aptis, ut Austrinis ventis, tunc sanè putredo excitabitur. Verum cum pituita non vndequaque ob repugnantem natura-

turam putredinem contrahere possit, calor simul & frigus in partibus perferuntur; ille quidem ob putredinem & febrem, hoc ob frigidum humorem, per venas vniuersasque corporis partes dispersum.

120. Febres quoque diurnæ & hybernæ, à multitudine & crassitie pituitæ solius, vel alijs humoribus crassis mixtæ, in intestinis vel circa ventriculum visceraque caua coercitæ putrescentis, in viris fieri solent; talis enim humor non nisi longo post tempore superari & hyeme infestare solet. Quamuis autem hæc peculiares grandiorum puerorum aliquando statuatur Hippocrates, nihilominus cum ex ambiente similem pueris alibi degentibus temperaturam nasci sint, in hoc situ ipsi viri; meritò vnà cum eodem Hippocrate alibi id declarante, inter proprias virorum huiusmodi collocamus.

121. Epiphytibus viri sæpè corripuntur; cum enim ambitus totius corporis in locis Austrinis laxus sit & languidus, cumque caput multâ pituitâ refertum sit, ideò Austris accedentibus ad partes inferiores descendit, atque à calore ambientis excalefacta salsaque reddita, ad locum à natura ad id institutum sæpenumero expellitur, cuiusmodi cutis est: humores enim excrementitij cum ad corporis nutritionem ex natura sua inepti sint, & ad alimoniam illi præbendam, vel quadam naturæ prouidentia certi alicuius vsus gratia in conceptacula quædam relegantur, vel foris ad extimas partes propulsi, tumores, pustulas, cutisque defædationes excitant, aut insensibiliter per cutem expirant, aut etiam sensibiliter per sudorem emittuntur: quod si intra detineantur, febres putridas excitant.

122. Hancigitur excrementitiam pituitam, quæ naturâ suâ nocte potius moueri solet, facultas etiam post somnum validior facta, tanquam noxiam tentat expellere, atque ad cutem transmittit: verum cum ob eius crassitiem non ita faciliè possit expelli, validiusque cuti adhæreat, & quoniam nocte ob æris frigiditatem cutis densior facta est, ideò cutis in tumorem eleuatur, atque pustulæ generantur.

123. Hæmorrhoidibus iidem infestantur; cum enim ratione ætatis sanguis adustus generetur, & bilis ratione ambientis nos æris, pituita auté salsa ex capite ad inferna descendat, quæ vel primaria huius effectus, vel certè coadiuuans & aduentitia causa esse solet, sequitur

tur vt facillè affectione hac, viri loca Austrinos ventos excipientia incolentes, tententur.

Ophthalmiæ humidæ, quæ videlicet à sanguine pituitoso bili ^{124.} admixto proficiuntur, quæque grauitatem insignem, caliditatem verò & rubedinem exiguam habent adiunctas, accidere solent viris Austrinum situm colentibus. Nam cum fluxionibus ij ex natura sua facillè corripiantur, cumque caput eorum humidum naturâ sit, pituita que refertum; cum præterea Austrini flatus particulas omnes rarefacientes potissimum oculis sese offerunt, meritò ophthalmiâ tentari poterunt.

Verùm ophthalmia erit leuis, vel quia humida intemperies do- ^{125.} lorem insignem inferre non soleat, sed grauem potius: vel quia alui profluuiò facillè & sæpè corripuntur, à quo huiusmodi aut solui aut leuior fieri solet, vt docuit Hippocrates, ideò meritò graues non sunt huiusmodi ophthalmiæ.


Quinetiam eadem ophthalmiæ solent esse breues, quia licet ob ^{126.} crassitiem materiæ, ophthalmiæ huiusmodi soleant esse longæ, vt post Hippocratem docuit Galenus, propter concoctionem difficilem & calorem languidum; nihilominus in situ Austrino breues sunt, quia sæpius corripuntur alui profluuiò, & humidæ sunt alui. Ophthalmicum autè alui profluuiò corripì bonù dicebat Hippocrates. quia humoris abundantia simul ad inferna retrahitur & euacuatur. Accedit, quod cum omnes partes ratione Austrinæ constitutionis rariore redditæ sint, vnde etiam fluxionibus humorum suscipiendis maximè sunt obnoxia: facillè tamen ijs receptis euaporant, ob raritatem partium, quæ ad dissipandos facillè humores solent esse auxilio. Postremò & hoc non parum facere videtur, quod materiei frigida admixta sit bilis notabilis portio, ratione ambientis aeris calidi; bilis autem morbos ex materia pituitosa solet breuiore efficere.

Acuti verò morbi qui à materia calida & acri generantur siue ^{127.} febres sint, vt ardentes, siue febrem continuam habeant comitem, vt pleuritides, peripneumoniæ angina, & similes, licet viris alioqui soleant esse familiares, in hac tamen constitutione Austrina rarè accidunt; cum enim aluum habeant liquidam ob abundantiam pituitæ, præsertim si salsedinem & acredinem sibi adiunxerit, quæ instestina mordens, irritat ad deiectionem, quâ non tantum pituita, sed

sed & alia superfluitates excernuntur, mirum non est si causâ efficiente ablatâ huiusmodi acuti morbi non gignantur. Vnde Hippocrates scribebat, eos qui Hæmorrhoides habent, neque morbo laterali, neque pulmonario, neque phagedæna laborare.

128. SENIBVS quinquagesimum annum ætatis transgressis, accidunt paraplexiæ, siue apoplexiæ particulares; cum enim morbus ille senum alioqui peculiaris sit, vbicunque degant teste Hippocrate, quoniam partes ad caput attinentes faciliè in ijs fluxionibus tentantur, caput quoque naturâ suâ frigidum si calore naturali destituatur; præterea cum huius regionis incolæ omnes ferè capita humida & multâ pituitâ referta habeant; consentaneum est in senio tantam adesse pituitæ copiam, vt accedente ambiente calido & humido Austrino, rarefactis poris, omnium partium aditus pateat humori, vt ad aliquam partem resideat. Cum verò in senibus crudi sint humores pituitosi ob caloris imbecillitatem, paraplexiasque docuit Hippocrates fieri cum humores frigidi potissimum in loca recipientia defluxi fuerint, nec expelli nec concoqui possint, vnde spiritus minimè transfluere possunt, vt animæ cuius sunt instrumentum inseruiant, ideò meritò huius ætatis peculiares erunt, quod & confirmauit Hippocrates cum inquit, *Natu maioribus autem & quos iam calor deficit paraplexia, aut in sania, aut cacitates.* Hæ autem paraplexiæ facilius accidunt vbi Sol materias pituitosas in capite existentes colliquauerit & fuderit, aut frigus comprimendo materias pituitosas capitis, siue potiùs exprimendo fluxiones concitauerit.

EFFECTA VENTORVM SEPTENTRIONALIVM.

129.  Quæ in situ Septentrionali, fluuiatiles potissimum & detectæ, duræ sunt & frigidæ, difficulterque à calore nostro interno vincuntur, sed in ventre & hypochondrijs firmatæ diutiùs, vix ob crassitiè & duritiem transiunt inuenire possunt. Causa autem frigiditatis est, quod aquæ Solem aduersum habeant, ideoque non multum excoqui calefieriq; possunt. Subterraneæ verò aquæ, quamuis fortasse crudiores sint & duræ, vt naturæ terræ vnde scaturiunt ex parte respondeant, calore tamen interno & spiritu igneo, visceribus terræ incluso, calefieri poterunt.

Eadem

Eadem quoque detestæ aquæ magnâ ex parte insipido sapore
præditæ sunt, ideoque ad dulces proximè accedunt, atque pro dul-
cibus non rarò accipiuntur, suntque ideo ex genere optimarum
aquarum. Non tamen verè sunt dulces: siquidem vera dulcedo à
calore potius moderato fit, qui in hisce aquis deest.

HOMINES verò ventis Septentrionalibus expositos, robustos
esse & siccos necesse est. Cum enim Septentrionales venti frigidi
sint & sicci, ideo corpora vniuersa solidiora, & ad motum (super-
uacanea omnia quæ in corpore sunt consumendo) promptiora red-
dunt, animales naturalesque actiones validiores efficiunt. Vnde
Hippocrates Aquilonium ventum astringere corpora nostra testa-
tur, inque vnâ ea cogere substantiam, & ob id, tum naturæ, tum
animæ meliores reddi actiones, corporaque inde effici robustiora,
facile mobilia, bene colorata, & rectius audientia scribit. Cum igi-
tur virium robur in eo consistat, quod corporis substantia durior
effecta, & magis condensata, calorem internum viuidiorem habet,
meritò robustos esse hos necessariò dicemus, & siccos ob eandem
hanc peculiarem Septentrionalium ventorum naturam. Hinc etiam
populi Septentrionales, quos veteres neque cognouerunt, neque ijs
in locis ob frigidissimi aëris iniurias habitationem esse voluerunt;
quàm maximè agiles conspiciuntur, adeoque sicci, vt Lapones, anti-
quis penitus incognitos, corpore vsque adeò agili esse scribant, vt
accincti pharetrâ & arcu, transmittant sese per circulum diametri
cubitalis.

Eorundem quoque ventres infernos duros, hoc est, astrictos,
& siccos, siue sicca excernentes esse necesse est, quod ad scribendū vi-
detur naturæ loci, quæ cum ad siccum tendat, ventosque excipiat
frigidos, siccos, & astringentes, meritò astrictas aluos efficient: ea-
demque ratione quod excernitur siccum est, tum etiam quia in cor-
pore toto exsiccato, venter ad seipsum trahit humidiores partes in
alimentum; vnde totâ ferè consumptâ humiditate, fæces sicciores
remanent: imò fæcum siccitas ad alui astrictionē sequitur: ijs enim
diutius retentis, maior fit exsiccatio & suctus, quod & in nobis ipsis
quotidie experimur, in Aquiloniâ temporis constitutione, atque
etiam ex Hippocrate colligere licet, qui à ventis Septentrionalibus,
& Borealibus temporum constitutionibus, aluos exsiccari scribit:
sicut etiam Galenus ostendit.

133. Ventres verò superiores siue cavitates supra diaphragma & infra collum *εὐχωτέρες*, hoc est, laxiores siue magis apertas, habent. Cum enim calidissimi sint, quod per antiperistasin calor innatus ad propria principia repellatur, & pectus dilatari, & thoracis meatus laxiores reddi necesse est. Hinc sæpè fluxionibus tentantur; Quare & Hippocrates Septentrionalium ventorum & constitutionum proprium esse scribit, tusses excitare, & fluxiones à capite: nam quamuis ibi non multa adest materia, aut simplex calida intemperies, vt aptus sit ventus Aquilonius excrementa absumere, & intemperiem illam auferre; vbi tamen capiti admodum repleto occurrat (quod non rarò ob natiuam capitis & cerebri temperiem accidit) condensando & veluti comprimendo humiditates exprimit, & in pectus impellit.

134. Calidi quoque & biliosi homines sunt; cum enim calor internus ex frigidityte ambientis, astrictis etiam cutis poris, ab externis partibus ad internas per antiperistasin tendat vel potius impellatur, calidiora etiam reddi viscera oportet: quæ cum principalia sint in corpore, tota quoque corporis temperies inde pendebit: vnde calida & sicca viscera cum sint, non parum biliosi humoris generabunt, calore plus quam par sit excalescente & concoquente: pituitosi autè non fiunt, quoniam pituita ex debili proficiscitur calore.

135. Capita habent sana; nam cum caput naturâ suâ humidissimum sit, cauum, rotundum, & in eminentiori corporis parte constitutum à natura: ideo præter naturalem, aduentitiâ quoque humiditate, maximè affluere illud oportet: Ideò Borealibus ventis accedentibus, qui omnia exsiccare, firmare, & indurare, humiditatesque excrementitias absumere solent, sana reddi & ad naturalem sibi symmetriam reduci capita oportet. Docebat enim Hippocrates, eorum proprium esse hac ratione & vim formatricem validiorem reddere, & actiones omnes tum animales, tum naturales robustiores efficere.

136. Capita quoque dura esse conuenit, consentiente cum vniuerso corpore etiam capite: imò magis exsiccatò, quoniam magis impressionibus subiicitur: nam cum Aquiloniam constitutionem doceant Hippocrates & Galenus corpora densare & intendere, & auditum magis expurgare, non alia id ratione fieri docet Galenus, quàm exsiccando superfluas humiditates, qua ratione robur & durities produ-

producitur: ex qua duritie etiam sanitas conseruatur, quod minus externis iniurijs pateat aditus, vbi durior facta sit cutis capitis, vehementiusque resistat.

Edaces sunt; nam fames naturalis, quâ homines edaces redduntur, in nobis excitatur, tum ex defectu ipsius alimenti ventriculi, à quo fouetur, & quasi alitur, calido interno consumente, tum ex communi & per successionem facta, ab vniuersis corporis partibus, à ventriculo tanquam ex totius promptuario, attractione: nam cæteræ particulæ à venis alimentum suum exsugunt, venæ verò cum inaniantur, à iecore, vnde ortum habent, id petunt, iecur per venu-las mesenterij, tanquam per manus ab intestinis & ventriculo alimentū quærunt; et si in ijs aptum inueniat alimentum, illud exsugens in sanguinem conuertit, ex quo tum ipsum, tum reliquæ particulæ aluntur. Sin autem defuerit in ventriculo communis succus, proprium & naturalem humorem exsugit; quo fit, vt in eo secutâ penuriâ & suctu, cum insigni sensu præditus sit, cogitur appetere naturaliter alimentum, quo euacuata materia reponatur. Cum ergo ij qui Aquilonibus expositi sunt, ob ambientis frigiditatem calorem naturalem habeant validum & robustum, is sanè materiam in alimentum facillè poterit conuertere. Vnde & maior suctus, & appetentia necessariò sequitur.

Non multum tamen afficiuntur siti præternaturali, eâ videlicet quæ fit ob excessum caloris aduentitij, & præternaturalis, tunicas ventriculi & adiacentes partes excalefacientis & exsiccantis, ex qua appetitus frigidi & humidi excitatur, quæ potius aquæ & vini oligophori potu sedatur, quàm vini potentis. Cum enim hoc calidum sit potentia & siccum, huic siti non modò non satis faciet, sed eam potius augebit: vnde fit, vt cum quis potenti vino ebrius factus est, magis & magis prematur siti. Septentrionalem autè ventum excipientibus, naturalis potius inest caliditas, ideò hac siti non facillè afficiuntur. Siti tamè naturali, quæ ex consumptâ alimentali humiditate aut diminutâ oritur, valde eos affici posse ob validū calorem natium est verisimile. Vnde Aristoteles, robustos viros, quos alioqui omnes habitu calidiore esse constat, vinosos esse asserit: cum enim calido naturali interno abundant, non parua humiditas consumitur, quo fit, vt naturalis sitis excitetur, & bibacitas sequatur, amorque vini & quidem potentis rubri & crassioris substantiæ, cuiusmodi

citò consumptam humiditatem restaurare potest, ut cum Hippocrate docet Galenus. Exemplum adferi Aristoteles de Scythia, qui Septentrionales sunt. Quod sanè experientia quam maximè congruum est. Constat enim gentes omnes Septentrionales, Germanos, Anglos, Polonos, Suecos, Moschouitas, & præterea qui insulas terramque Septentrionalem antiquis incognitam incolunt, quamuis agrum vini feracem non habeant, adeò esse bibaces & potissimum vini, ut nulla sit gens, quæ eos bibacitate superet. Verùm licet hi qui ventos excipiunt Septentrionales, ob natium calorem, potius satis magnam ferre possint quantitatem, non tamen ob edacitatem commodè tolerant. *Non enim possibile est esse simul edaces & multum bibaces*, ut inquit Hippocrates. Quod licet non semper, plerumque tamen verum esse docet experientia: nam hyeme cum plura solemus comedere, parùm admodum vino delectamur: æstate autem contra, idque iustà de causâ. Siquidem hyeme cum calor innatus maximè vnitus sit, humiditates omnes confundendo & famem & sitim naturalem excitat: vnde multa comedimus, auctâ ob frigiditatem inspirati caloris fame, & bibimus quantum pro natura oportet, externâ aliquâ causâ non accedente, scilicet calore, & propterea non sequitur bibacitas, quæ ex calore acri & mordaci, limitesque naturæ excedente, humiditates consumente & exsiccante fieri solet: qui calor cum in æstate angeatur, magis etiam bibaces & siticulosos reddit. Cum verò ij qui Septentrionales ventos excipiunt naturam ferè eandem nati sint, qualis est in hyeme, patet magnos esse comestores, non verò multum bibaces, quamuis satis mediocriter vini potu indigeant, quia ventriculi capacitas solidioribus cibis repleta, vix potui locum dat.

132. Longæuos verò magis quàm qui Meridiem respiciunt hos homines esse par est; vita enim nostra nativo calore & humore conservatur, idè eò longiorem esse oportet, quò duo illi diutius durabunt, & eò breuiorem, quò breuiori tempore consumuntur. Cum verò Septentrionales nativo humore abundant, & eo quidem crassiori, non ita citò consumi aut desiccari poterit. Accedit, quod cum habitus sint durioris, ut antea docuimus, difficilius dissolui substantia poterit, diutiusque calor internus in intimis corporis conservabitur: vnde cibis multis ingestis, succi qui necessariò in tanta caloris actione dissoluuntur, faciliè restaurantur, vitaque diutius

tius protrahitur, senectusque tardatur. Meridionales autem non possunt diutius internum calorem viuendum conseruare, & natiuam radicalemque humiditatem tueri; externo enim calore excedente, apertis nimium cutis poris, & internus calor dissipatur, & humidum natiuum consumitur. Hinc Auicenna assererat, habitantes in regionibus frigidis, multò audaciores esse, coloratiores, & longioris vitæ, quam degentes in calidis, in quibus anno trigesimo senium incipere testatur.

Comparatio autem hæc situum vera tunc potissimum est, quando excessus non est summus; ita ut in regione Septentrionē respiciente, moderata sit frigiditas, & siccitas, ea verò quæ Meridiem respicit calida sit & humida, atque in humiditate excedat. Si namque loca calida sint, immoderatè talia, aut potius ad siccitatem inclinantia; frigida verò excessiuè talia, ita ut extinctionem, non vigorem & robur caloris pariant, tunc sanè contra seferes habebit. Atque sic Aristoteles asserit diutius viuere animalia in calidis locis nata & degentia, quàm alia eiusdem speciei in locis frigidis: vbi Aristoteles loquitur de calida regione, & temperata in hac qualitate; in passiuis tamen humiditate & siccitate temperiem non multum excedente. Nam si homines in huiusmodi locis degentes, comparemus cum ijs qui loca frigida incolunt, semper verum erit, viuaciores esse eos qui in illis degunt ob causas quas Aristoteles adduxit, nimirum quod & humidum naturale siccius, id est, minus aqueum sit, & putredo quæ mortis altera est proxima causa, non ita facile excitetur: tum etiam quoniam diutius conseruatur humidum radicale, quod calor internus non ita retrocedat aut vniatur, vnde maior sequi solet consumptio. Cum verò caliditas vbi excesserit iunctam semper habeat siccitatem, excessus hic caloris in regione hac de qua agit Aristoteles non potest esse magnus, cum eum supponamus aut parum in siccitate excedere, aut sanè in passiuis esse temperiem, quod & ex Aristotele patet, qui eandem statuit causam longitudinis vitæ in regione calida, quâ attulit maioris longitudinis vitæ in viris, quàm in feminis: ideo non potuit magnam caliditatis excessum intellexisse. Accedit & ratio, cum homines in calidissimis locis degentes, quæ etiam siccissima esse oportet, non modò non diutissimè viuunt, sed potius breuissimæ vitæ ideo esse oporteat, quòd ab ambientis calore & interno etiam acri humidum

consumatur aduraturque : non tamen diutius viuunt, qui in frigidissimis & humidissimis locis vitam agunt; non naturalis enim mors facile accedit, externo frigore calorem internum quasi extinguente; vt constat ex Petro Aponense problematum Aristotelis interprete.

Moribus animi agrestioribus potius, quàm mitioribus congenitis præditos esse homines loca Septentrionem spectantia incolentes rationi consonum est. Si enim ex varia victus ratione immutatis humoribus mores sæpè immutantur, quis negauerit, ambiente perpetuò in nostra corpora agente, mores diuersos in hominibus excitari? Quod manifestum fecit Galenus autoritate Platonis, Aristotelis, & Hippocratis: quinimò & rationibus sententiam hanc tuetur. Itaque cum in regione Septentrionem respiciente, calor vnà cum sanguine in viscera & ad profundum ab extrinseco & vincente frigore fugetur quodammodo, interna plurimum incallescere, externa verò frigore tentari necesse est: quo fit, vt coarctato agitatoque interno calore, atque feruente, animosi fiant, audaces, iracundi, præcipitisque consilij; vnde agrestiores, id est, magis feri & rudes efficiuntur quàm mansueti. Est enim consuetudo animi constantia aduersus iræ impetum immobilis: hi verò cum nihil ob motum interni caloris prudenter faciant, præcipientes sunt in consilijs.

142. Acuti morbi, qui febres continuas habent adiunctas, viris sunt communes; cuius rationem reddit Hippocrates inquiens: *Necesso autem est ita habere, cum ventres duri existunt.* Nam quamuis capita humida non habeant, tamen ob retractum ad interna calorem & sanguinem, cum occasio præbeatur morbis acutis, ventribus duris & astrictis in ijs existentibus, facilius ij morbi produci poterunt: cum enim adsit causa morbos huiusmodi efficiens, biliosus scilicet humor excrementitius & commotus, vbi nullum habet locum per quem commodè expurgari possit, nobilioribus partibus influxa, morbis acutis, præbet materiam. Itaque ventris stipticitas ab Hippocrate prolata causa est remota; proxima autem caloris interni vehementia, quam proponit Aristoteles; quærens namque cur in frigidissimis terris febres ardentes sæpius fieri consueuerint? Respondet, quod ambientis frigiditas calorem internum ambit, atque subinde validiorem reddit; at in æstate & calidis locis contrarium fit, cum ambiens calidus sit, & externi corporis pori aperti, atque ad externa reuoce-

reuoçetur caliditas, vnde internæ partes calore destitutæ, non aded frequent, quod tamen ad febrem requiritur. Vbi igitur maior est ardor internus, sæpius quoque & in maiori gradu febris excitatur. Sic enim hyemeretentis excrementis biliosis, quæ antè expurgabantur, ijsque putrescentibus, facillè febres ardentes & continuæ excitantur, quamuis illis repugnet natura temporis.

Iisdem viris, inter cæteros acutos, valde communes sunt pleuritis, & peripneumoniæ; cum namque pleuritis inflammatio sit præter naturam membranæ costas succingentis à sanguine potissimum bilioso facta, aut certè pituitoso, bili tamen admixto, manifestum erit, eos qui regionem incolunt Septentrionales ventos excipientem, facile eâ tentari. Origo namque eius in humano corpore talis est, vbi sanguis tenuis & biliosus abundauerit in corpore, ad externas partes ob earum condensationem, & refrigerationem ratione ambientis, non facillè potest transmitti; necesse itaque est internas partes, magis occupari, magnoque impetu hinc inde moueri, maximè aëre frigido inspirato, & aqua frigidissima hausta: vnde fit vt biliosus sanguis, qui multus in huiusmodi corporib. esse solet, in caua vena cordis alidente, contineri non aptus, in eam quæ azigos, hoc est, sine pari nuncupatur, indeque in tenues costarum venas irruat, quibus apertis exilit, & incidit aut in medium locum inter costas & succingentem membranam, aut inter musculos costis superiacentes. Quod si è dextro cordis sinu, per venam arterialem, in pulmones, præter naturam, & plusquam tum eorum venarum eorum substantia capere potest, idem irruat vehementius, peripneumoniam facit.

Corporis quoque ijs adest distentio, & vasorum siue venarum durities; frigus enim corpora constringit & contrahit, venasque duras & ad extensionem contumaces facit.

Hinc non rarè sequuntur vasorum siue venarum rupturæ; cum namque venæ distentæ sint, & ad extensionem contumaces, idèò sanguine abundante, & ob frigus ad externas partes repulso, tunicarum venarum dirumpi facillè poterunt, vt optimè docuit Galenus. Inter cæteras enim causas quæ ad ruptionem concurrunt, durities est, quia propter illam dilatarì venæ minimè possunt: frigore verò accedente, quod ob nimiam constrictionem sanguinem copiosum diutius continere nequeant, frangi necesse est. Quod si ad ambientis frigi-

frigiditatem & siccitatem, tum etiam vniuersi corporis distentionem & siccitatem, illud insuper addatur, quod aquam frigidam & crudam communiter hauriant, iam absolutè erit rupturæ vasorum allata causa.

146. Suppurari quoque eos ex varijs occasionibus contingit, videlicet tum ob pleuritidem vel peripneumoniam in pus versam & disruptam, inque capacitatem, quæ est inter pulmonem & thoracem defluxam, ex quibus sæpius suppurationes solent provenire: tum ob vasorum frequentem rupturam, quam antea proposuimus.

147. Ophthalmiæ quoque fiunt siccæ, duræ, & vehementes, quibus oculi rumpantur; cum enim talis affectus causa sit humor biliosus, homines verò Septentrionales ventos excipientes, naturâ sunt biliosi, aërisque habeant intemperiem siccam, idè ophthalmias siccas, hoc est, biliosas, & in quibus raræ lachrymæ conspiciuntur, euenire necesse est. Docet enim Hippocrates, post Autumnû siccum & Borealè, siccas lippitudines accidere sæpenumero: sunt autè duræ, quoniam cum vniuersus corporis habitus sit durus & siccus, & hic affectus ab humore calido & sicco fiat, accedente aëris constitutione & ventorum, necesse est consumi aquosioris bilis partem, vnde lachrymæ non apparent. Sunt quoque vehementes ophthalmiæ, quoniam biliosus humor calidus & acris mordensque in oculos deductus pruritum excitat, mordet, doloresque facit intolerabiles: cumque naturâ suâ corrodens sit humor, oculique naturâ suâ sicciores, faciliè poterunt exulcerari & rumpi.

148. Iunioribus quoque triginta annis, ætate vehementes, & fortes eueniunt sanguinis è naribus fluxiones; ex communi namque & naturali corporum constitutione calida, internè in ijs multus sanguis & quidem calidior gignitur. Quod si illud accedat, quòd in ætate calida consistant, in qua maior copia sanguinis generatur, & nonnihil biliosi humoris admiscetur, & calida accedat temporis constitutio, in qua serosi & biliosi humoris nonnihil admiscetur, & ijsdem magis acuuntur, ijs inquam compositis, necessariò quasi sanguinis è naribus profluvium efficitur, cum id ex bilioso, multo, acri, mordacique & serolo sanguine venarum orificia vellicante fieri ut plurimum consueuerit.

149. Morbos item sacros appellatos, paucos quidem, verùm vehementes, fieri in hoc situ par est; epileptia namque à duplici potissimum causa

causa oritur, abundantia pituitæ, & humoris melancholici; à qua repente ventriculi cerebri & spiritus meatus repleti & infarcti, efficiunt ut æger cohibito spiritu animali corruat: quamuis interdum venenosa, & grauius substantiæ cerebri infensa qualitate præditus humor tenuis vel flatus, epilepsiæ causa statuatur. Cum igitur sana robustaque capita huiusmodi locorum incolæ sortiti sint; cumque non satis multi humores crassi, calore naturali valido elaborante, aggregari queant, merito huiusmodi morbos raro accidere diximus. Verum si qui excitantur, vehementes esse solent; cum qui à melancholico & atro humore sunt, vehementiores multò sint, (ut docet Hippocrates & Galenus) quàm qui ex pituita, quæ alioqui in ij, difficillimè aggregatur; ob internum calorem naturalem viuidiorem: atra autem bilis quandoque generari potest coctione iecinoris proprios terminos excedente, & calore quasi superflante. Si igitur accadat (quod tamen rarum est) semper erit ex humore melancholico, aut certè ex venenosa aliqua qualitate in parte aliqua sedè habente, & per interualla caput petente, vnde vehementià maximam nanciscuntur. Quinimo quemadmodum febris ardens hyeme inuadens periculosa esse solet, præcipuè si senem inuadat, quod non nisi vehementissimam occasionem nacta eo tempore aut ætate soleat accidere, ita hic morbus, cum ob rationes prolatas non nisi raro in hoc situ contingere soleat, si fortè adueniat, & validissimum esse & multum periculi inuohere oportet, quod non nisi ex validissima causa initium duxerit.

Mulieribus ut plurimum menstruæ purgationes deficiunt, vel 150.
paucæ & laboriosæ proueniunt; sanguis enim crudior, crassior, & frigidior factus, obstructis meatibus, per quos fluere solebat, non potest expurgari. Hæc autè cruditas & frigiditas prouenit ab aquarum duritie, crassitie, & frigiditate.

Sunt etiam multæ steriles; cuius causa inprimis est sanguinis 151.
expurgatio deficiens. Extinguitur enim semen teste Hippocrate à copiosis humoribus. Altera causa est vteri frigiditas, spissitudo, & crassities, quæ similiter ab aquæ cruditate prouenit. Hæc doctrina est Hippocratis, Galeni, & Aristotelis.

Quæ vero concipiunt mulieres, difficulter parere solent; inspi- 152.
ratis enim ventis frigidioribus, & aquis eiusdem qualitatis haustis, vterus frigore condensatur, eiusque membranæ, & adiacentes par-

tes magis indurata, extensioni contumaces efficiuntur, vnde pariendi difficultas accidit. Vnde etiam aliquando Hippocrates, aquas lacustres & stabiles, dicebat hyeme mulieribus partus efficere difficiliore, sicut & tempora in frigiditate nimis excendentia.

153. Eadem non valde abortiunt; cum enim non multum hiantes, laxius sint in his vteri, ob ambientis frigiditatem, & aquarum duritiem: si præterea duriores factæ sint membranæ, & solidiora ligamenta, quibus vterus matri alligatur; si præterea vniuersum corpus solidius duriusque effectum, internas multas, externas verò omnes offensas facilius superet: quis dubitet hac eadem ratione Septentrio-nem respicientia loca inhabitantes mulieres, si quando concipiant, difficillimè abortum pati?

154. Vbi verò pepererint, filios nutrire vix possunt; lac enim ab aquarum duritie & cruditate extinguitur. Nam cum lac sit sanguis redundans à mammis alteratus, vt docet Hippocrates; ex aquarum verò mala qualitate, sanguis paucus, & ad generationem lactis non satis aptus sit, cum subtilior calidiorque esse debeat, tandem lac consumitur. Accedit, quod corpus vniuersum durius redditum est, & non satis peruium, meatusque omnes ratione tum aquarum, tum ambientis angustiores redditæ sunt: quo fit vt sanguis crassior alio-qui & ad penetrationem non satis aptus, per angustissimas venulas, & strictissimos meatus, ad mammas peruenire non possit. Sed dicet quispiam, si lac ob aquarum cruditatem extinguitur cum ex eodem sanguine lac in mammis fiat, ex quo in vtero fœtus nutriebatur, quomodo fœtus dum in vtero permanet, iisdem rationibus non elanguescet & emoriatur, sanguine bono pro nutritione destitutus? verum id idè accidere existimamus, quod non modo ex sanguinis in vniuerso corpore defectu lac extinguì possit, sed potissimum aut adeò crassè factò, vt permeare loca alioqui naturâ suâ angusta nequeat; aut certè astrictis vsque adeo venulis & meatibus insensibilibus, vt per eos sanguis, quicunque fuerit, permeare non possit: in ijs verò locis tum ratione ambientis frigidi, tum ratione aquarum durarum, crudarum & frigidarum, cum sanguis & crassus reddatur, & penetrare non ita faciliè possit, & meatus angusti redditæ sint, non mirum, si infante iam edito, alimentum commodum, per mammas longo tempore non suppedietur, qui alioqui infantis necessitati

cessitati, dum in utero est, commodè satisfacit, ob venas magnas, quæ in ijs partibus à natura positæ sunt.

Similiter post partum phthises generantur frequenter; ex laborioso enim partu, vehementibusque clamoribus, vel per consensum, vel per primariam affectionem, potest vena vel arteria in pulmonibus, vel in thorace dirumpi, quæ sanguinem fundendo, veræ phthisi ulcerosæ manifestam præbet occasionem: effuso enim sanguine, neque per sputum educto & putrefacto, pus generatur, & sic fit phthisis vera. Adhæc si partis alicuius ex ijs quæ in partu concurrunt, vena aliqua dirumpatur diuellaturque, per eam natus effluet calor, unde vniuersum corpus contabescet, atque marcorem patietur: ut si epigastri musculorum, qui partum iuuant, vena, vel peritonæum rumpatur; non aliter sanguine & spiritu euacuato, corpus paulatim contabescet, quàm perforato & exeso ventriculo aliquando accidere videamus: veluti etiam si ex partus labore aliquis in utero excitetur morbus.

PVERIS autem ante quartum annum potissimum hydrocelæ in testibus vel scroto colliguntur, quæ durant quam diu parui fuerint, deinde ætate procedente euanescent. Cum enim lac & quæcunque aquosas partes habent, cruditatem, duritiem, & per consequens grauitatem habeant, humiditate connaturali puerorum adiuuante, mollitiæque partium, & laxitate meatuum; efficitur, ut crudum & durum graueque alimentum assumptum, minimeque confectum, cum ad superiores partes transmitti nequeat, ob earum angustiam & constipationem; neque etiam rectè consumi, ad infernas partes transmittatur, puta ad vias vrinæ; cum verò ob crassitiem, non satis aptam viam nanciscantur, impingi retinerique oportet in aliqua earum partium. Cum verò nulla sit scroto capacior, in eo morbus ille excitatur. Verum procedente tempore, cum ætas ad sicciorem vergat, meatusque propterea non ita aperti & laxi sint, virtutibus naturalibus, & potissimum expultrice, ob villos magis exsiccatos, validioribus factis, neque subministrata facile materia, & iam fluxa paulatim consumpta, tumorem illum euanescere tandem oportet.

GRANDIORES deinde serò pubescunt; quamuis enim calidi sint, & proinde potius viderentur citò debere pubescere ob vapores multos eleuatos, nihilominus ratione à cæteris omnibus desum-

pta tardiùs pubescunt: materia enim fuliginosa & excrementitia nulla ferè est aut exigua in ijs pueris; cum calor adurens, qui fuligines & limosa excrementa producere solet non adsit, sed mitis, blandus, temperatus, & naturalis. Vnde multa fuligo eleuari non potest. Meatus præterea qui ad pilorum generationem necessarij sunt, hic aut nulli sunt, aut quam angustissimi, ob ventorum frigiditatem, quæ cutis & induratur & constipatur. Procedente verò tempore, calore magis æstuante, multò maior crassarum & terrenarum fuliginum copia excitatur, quæ exitum quærentes, viam tandem sibi struunt per quam egrediantur, vnde tandem multis & assidujs impellentium vaporum ictibus, cutis magis ac magis perforatur, sicq; pili fiunt. Neque obstat quod fæminæ quæ frigidiores sunt citius pubescant quàm viri, cum id per accidens fiat, instat namque principium fluxus menstruorum, cum autem nondum fluant, calore aduentitio in parte aucto, pilorum veloci eruptioni præbent occasionem.

E F F E C T A V E N T O R V M O R I E N T A L I V M.

158.



In Oca ventis Orientalibus exposita, moderatiora sunt in calore & frigore reliquis omnibus. Neq; enim calor vt in Meridiem spectantibus exuperat, neq; frigus, vt in situ Boreali excedit, sed moderatam vtriusque nanciscuntur temperiem: hocq; ex ventorum Orientalium natura accidit. Experientia enim id docet, in ijs quæ vsui nobis, aut bono alicui futura sunt, vt orientia ea primum, mox augescunt, non minùs vtilia nobis sunt, quàm lætiora gravioraq;. Vnde fit, vt maiorem quoque ex Solis ortu ascensuq;, quàm ex descensu voluptatem & vtilitatem sentiamus; siue sit, quod renascentem quasi diem ea primum excipiat: siue quod eandem sortiantur temperiem & naturam, qualis auroræ est, & primæ partis diei; in qua exhaustum pridie humore frigiditate & humiditate, cum nox restaurauerit, temperiemq; quasi fecerit, superueniente nouo eoq; miti & placido Solis calore, iucundissimam illam quasi manè excipimus, talemq; sentimus, donec cæli iam medium occupante Sole, & alterum temporis spati-

um

um percurrente, absumpto eo, qui moderatam prius faciebat temperiem humore, iterum siccescant omnia. Cum verò orientem spectantes ciuitates primum Solem excipiant, ab eoque protegantur maximè cum medium occupat, æquabilem quandam qualitatum temperiem & placidā naturam fortiri eas necesse est. Hinc rectè colligebat Hippocrates, quod ciuitas quæ hoc modo iacet, Veri maximè similis est, iuxta caloris & frigoris moderationem.

AQUÆ etiam Solis ortui expositæ, vi solis concoctæ & repurgatæ, limpidiores & splendidiore euadunt; cum nihil in se continent, quod malitiam inferat, quodque etiam visui non sit gratum. 159.

Olfactui quoque gratæ sunt, quia nullum penitus habent odorem; nullus namque odor, quicumque tandem is fuerit, in aqua potabili gratus esse solet. Ob gratitudinem hanc, tales aquæ odoratæ aliquando vocantur: non quod odoris boni aut mali participes esse debeant aquæ laudabiles, sed quod ita odore carere debent, vt naturam elementī referant: hoc modo fragrantæ & odoratæ, hoc est, gratæ olfactui etiam dicuntur, quemadmodum dulces appellamus eas aquas, non quæ dulci sapore præditæ sunt, sed quæ omnis generis sapore carent. 160.

Molles quoque sunt; quod non diutius in ventriculo morentur, sed quam primum per vniuersum corpus permeantes, alimentum assumptum & paratum ducere possunt. 161.

Hinc primò colligitur eas esse amabiles; cum enim Solem orientem primò excipiant, cruditas earum necessario corrigatur oportet: nam Solares radij, caliditate concoquentes crassitiem aquarum, & duritiem naturalem auferunt. Exorientem verò Solem id præstare dicimus non Meridianum, nam hæ quæ Solis radios à Meridie diutius & magis per rectam lineam excipiunt, deteriores sunt, quod in ijs quæ concoquuntur quotidiana docet experientia; Quantò enim magis concoquuntur, tantò falsiora vsque ad amarorem euadunt. Accedit, quod cum aquæ crassiores reddi possint & impuriore, si quando nebula vel caligo ijs admisceatur, Sol manè exoriens causam hanc omnino aufert, eò quòd eam statim consumit, quæ alioqui prima parte diei solet adesse. 162.

Prætercà hinc patet loca orienti exposita reliquis omnibus esse salubriora, etiam si stadium solùm interfit. Quod attribuendum est tum temperiei, tum aquarum bonitati. 163.

164. **HOMINVM** formæ melius coloratæ sunt & floridæ, quam alijs cæli tractibus expositæ; cum enim Orientem spectantium locorum situs, ob æris ambientis temperiem, aquarumque perfectionem saluberrimus sit, ut iam ostensum est; ided corpora quæ huiusmodi beneficijs fruuntur, ad temperiem quandam accedere verisimile est, sanguineque pro ratione esse referta; vnde formas hominum potissimum, aut facies magis coloratas & floridas alijs esse colligi potest. Debet autem faciei color hic optimus medius esse quodammodo inter album & nigrum, non tamen ut æquis inter se portionibus commisceantur, sic enim fuscus euaderet, quo prope colore Æquinoctialis plagæ habitatores esse solent, oliuarum ferè colorem referentes: sed talis esse debet, ut caloris natui in eo vincentis appareant notæ; cuius cum in corpore vis semper exuberet, æquabiliterque per vniuersas partes diffusa sit, ita ut ne minima quidem in corpore reperiatur particula, quæ calorem hunc non sentiat, sit ut sanguis optimus per vniuersum corporis ambitum diffundatur: ambiens autem moderato calore ad externas magis etiam eliciens, potissimum ad eas partes quæ eius actioni magis subijciuntur, qualis est facies, colorem cuti addet floridum vegetumque, quem roseum vocare licebit à rosis; non illis quidem rubore nimio purpurescen-
tibus, non etiam albis, sed medij inter vtrumque generis, quas, quoniam benè à natura temperati, ideoque formosi alicuius corporis suauiter efflorescentem in cute carnis colorem referunt, incarnatas vulgò vocant.

65. Voce clara præditi sunt homines; cum enim regionem hanc incolentes temperati sint, aut potius ad caliditatem vergant, ided quoque satis amplâ arteriâ præditos esse oportet. Cum præterea caput benè constitutum habeant, & aquas molles, facile permeabiles, nec crassiores durioresue bibunt, leuem quoque & minimè humoribus excrementitijs aspersam, haud imbibitam asperam arteriam habeant oportet, sed siccam mediocriter, ex qua sonus clarior excitatur.

166. Ad iram moderatâ, quæ videlicet ratione gubernatur, promptiores sunt, quam qui Septentrionales ventos excipiunt; utpote qui ad eam quæ vitiosa est, naturalesque limites excedit, proclius magis existunt: moderata enim ira & quæ rationi iuncta est, virtusque est aut virtuti iuncta, quæque non ita leui negotio excitatur,

tempe-

temperatam quoque naturam insequitur, cumque promptitudine ad intelligentiam iuncta esse solet. Quæ verò rationis limites excedit, cum ob feruorem sanguinis, circa cor vicinasque partes excitatur, calidam cordis & internarum omnium partium intemperiem excedentem ostendit. Docet namque Galenus, ex duplici in nobis calore variè efferuescente, duplex iracundiæ genus provenire. Calore enim naturali, sanguine scilicet, cum spiritibus ebulliente, ob rationalem aliquam causam, prior iræ species excitatur; aduentitio autem & præternaturali humore & calore internas partes, & cor potissimum infestante & efferuescente, alia species producitur, quæ etiam quandoque non totius temperaturam, sed solius oris ventriculi mordicationem, corde interim in consensum tracto, sequi solet. Non tamen negamus, ut benè monuit Galenus, homines Septentrionales, uti Gallos, Germanos, Polonos, Thraces, Scythas, ad iracundiam magis esse propensos. Cum enim caro eorum frigida sit & humida, ventres autem calidi, ideo calor naturalis in illis ad viscera confugit, vñ cum sanguine: ubi dum agitur & premitur feruetque, iracundi, audaces, & præcipitis consilij redduntur. Verùm id nobis nequaquam repugnat, tum quòd nos non de vitiosa ira agamus, sed de moderata. Deinde aliud est loqui de regione vere Septentrionali, aliud de loco ventos Septentrionales excipiente: in illis enim aer ambiens frigidus naturalem habitum corporis inducit ad irascendum pronum, qui in ijs produci non potest, cum aer ambiens diuersæ sit temperaturæ, venti verò illi non ita perperui sunt.

In locis hisce morbi gignuntur & pauciores & mitiores; cum enim temperatus sit aer ambiens, difficile corpora ad contrariam aliquam intemperiem à quacunque causa reduci poterunt: sed potius iam lapsa ad meliorem statum reducentur. Quod si ob externas aliquas causas, aut internas, in morbos incidant, ex ambientis temperie, & similitudine ad calorem nostrum innatum, benigniores ut plurimum euadent. 167.

Dum verò Hippocrates verno tempore (cui regio hæc in temperamento similis est, velut antea ostendimus) non parui momenti morbos, ut febres ardentes, phrenitides, difficultates intestinorum, morbos comitiales, &c. fieri asserit, non repugnat nostræ sententiæ. Non enim Hippocrates eos morbos recenset, ut Veris proprios, 168.


proprijs, ita vt eorum causæ in Vere producantur, sed vt Veris proprijs, qui in præcedentibus temporibus anni nascam occasionem habuerunt: vt constat apud Hippocratem in serie morborum, qui aliorum temporum sunt peculiare: inter cæteros enim iterum horum facit mentionem. Reliqui verò morbi qui ibidem ab Hippocrate recensentur, tantum abest vt hanc sententiam infringant, vt eam potius confirmet: pustulæ enim illæ vlcerosæ, & aliæ cutaneæ infectiones opera sunt naturæ trudentis excrementa ad cutem, atq; partes ignobiles, vnde debiliores & mitiores etiam euadunt: quinimo & hæc excrementa collecta sunt præcedentibus temporibus; si enim corpus aliquod optimis humoribus refertum, vernum tempus inuenerit, illud saluberrimum conseruat. Si igitur vernum tempus ex natura sua saluberrimum est, nec morbos solet producere exitiosos, nisi occasione sumpta ex præcedentibus temporibus, profectò id verum erit, in ea regione quæ vernum temperamentum sortita est, quod nihil habeat, quod eius naturalem bonam temperiem corrumpat.

169. Conueniunt autem morbi huius regionis qui verni ferè sunt, magis cum morbis æstiujs, & qui locorum calidorum sunt proprij, quàm cum hybernjs, & ijs qui proprij sunt locorum Septentrionem spectantium: quod & vernum tempus & loca Orientem spectantia, ad caliditatem potius declinent, quàm ad frigiditatem. Alioqui absolutè loquendo cum neutrius loci morbis conueniunt: quomodo enim temperati loci morbi similes esse possunt morbis loci omnino intemperati, qui sæpenumero sunt lethales?

170. MULIERES huius regionis sæcundæ sunt; siquidem mulieres eas sæcundas esse docuit Hippocrates quæ temperatū habent vterum: hic verò ob æris temperiem, & homines, & partes corporis, seruata naturâ propriâ, eiusmodi rationem quandam in qualitatibus habere debent. Quemadmodum enim agri, in quibus sementem iacto semine facere solemus, præterquam quod neque arenosos, neque squalidos, vt fertiles sint, neque palustres, nimioque humore madentes esse oportet, quod in prioribus humoris & alimenti inopiâ adolefcere semina nequeant, in alijs nimio humore strangulentur: illud etiam vt sæcundi sint habere debent, vt iniectum semen nullo vitio præditum sit; si enim carie, rubigine, vetustate oblitum vel immaturum sit semen, si nimio humore quasi diffluet, aut nimia siccitate

fecitate contabuerit, fructifer esse non potest: ita in animantibus hæc eadem licet obseruare, in quibus vt fecunditas reperiatur, & semen opus est esse sine vitio, & vterum naturalem quandam moderationem habere. Quorum vtrumque regio hæc efficit.

EFFECTA VENTORVM OCCIDENTALIVM.

 Oca ventis Occidentalibus exposita, siquidem Fauo. 171.
nijs solis perflarentur salubriora essent; quod Fauonius
temperatam quandam habeat naturam. Verum cum &
collaterales eius Argestem & Liba excipiat, qui humi-
dissimi sunt & inæquales, qui etiã longiori temporis spatio perflant,
idedò situ morbosissimo, veluti etiam ostendit Hippocrates posita
sunt huiusmodi vrbes, quæ ventos Occidentales excipiunt: siquidẽ
& magna nebularum vis, & vaporum crassiorum multitudo, tum
& pluuia frequentiores, in ijs conspiciuntur.

AQUÆ situs huius non sunt splendidæ; quia nebula siue aër cras. 172.
sior & tenebricosus, in hoc situ tempore matutino, aquæ admistus,
impedit, quominus pellucida sit, vtpote permeabilis, & vndique
se insinuans. Nam cum à parte Orientis obstaculum supponatur,
idedò ab ea parte, à qua Sol exoriri solet, tardiùs multò ea loca ra-
dios Solares excipient: quapropter non prius Solarium radiorum
facultate & virtute fruuntur, quam bona diei pars iam pertransie-
rit: cum autem aër potissimùm & aquæ ope radiorum Solis purio-
res reddantur, vbi breuiore tempore virtute eorum fruuntur, mi-
nùs etiam proprias ipsi poterunt exercere operationes: quocirca
quum Solares radij iam progressa prima diei parte vapores eleuent,
illosque aëri & aquæ commisceant, neque ob moræ breuitatem,
minusque robur possint eos dissoluere, succedente nocte potiùs
crassiores redduntur, neque Sole sequenti die exoriente possunt
dissolui, quod exortos radios non statim excipiant, sed iam eleua-
tum Solem & proximè declinaturum: idque etiam faciliùs accidit
ob ventorum naturam; sunt enim subfrigidi & vehementer humi-
di, vnde aërem crassiores reddunt. Hinc efficitur vt flante Fauo-
nio, canes leporum vestigia inuenire minimè possint, vt docuit
Aristoteles. Neque verò turbulentia hæc hyeme tantùm locum ha-
bet,

bet, sed etiam æstatē, quo tempore auræ frigida spirant, & ros decidit: illæ siquidem vapores eleuatos vi caloris possunt crassiores efficere, qui aquæ admisti turbulentiorē reddunt, hic autem eleuatus & decidens, in multa quantitate crassiores, turbidiores, & magisterrestres aquas efficere solet: siquidem ros vapor est cum leui terrestris partis portione condensatus, in infimo aëris loco, qui cum maximè in aquam resoluatur, inque huiusmodi locis magnā copiā eleuetur, turbidiores, minulque splendidas aquas efficit.

173. HOMINES à Sole dum occidit valdè assantur & percoquuntur; nam quamuis ob diuturnam moram id Sol præstare nequeat, cum non nisi multum iam eleuato & quasi medium cælum Sole occupante illustrentur, aut certè inæqualiter admodum radij vsque ad Meridiem perueniant, nihilominus cum subfrigidi sint, & satis humidi venti, qui in ijs partibus perflant, & matutino tempore maximè vigeant: faciliè vniuersum corpus molle & præhumidū reddere possunt, subsequente mox Solis calore maximo, cum non paulatim & obliquè Solares radij vt in cæteris eo influant, sed iam validi facti, & quasi recto tramite influentes perueniant: verisimile etiam est humores in extima superficie corporis existentes percoquere.

174. Decolores quoque fiunt; optimo namque sanguine efflorescente, & externas partes cutaneas petente, color optimus roseus efficitur: qui si aduratur subnigricans aut subliuidus redditur. Accedit, quod in hac constitutione sanguis probus partes corporis non influat, sed alij humores à natura sanguinis distincti, qui per se malum colorem inducunt, multoque magis, radijs Solaribus vehementius adurentibus.

175. Debiles etiam huiusmodi locorum incolæ sunt; cum enim robur virium, & in bona corporis compositione, & in humorum proba temperie, & in spirituum recta consistat generatione, vbi inæqualitas hæc temporum in vno & eodem die reperitur, vbi præterea humores nimium procoquuntur, difficilè bona humorum temperies, & recta spirituum generatio potest reperiri.

176. Morbi huius regionis varijsunt; cum omnibus ijs qui cæterorum locorum peculiare sunt, faciliè homines huiusmodi loca inhabitantes corripi possint: cum enim in hoc situ pars superior frigida sit &

fit & humida, quòd venti huiusmodi qualitatis tunc spirant, nec Solares radij eorum intemperiem corrigere possint, quòd tunc vix conspiciantur: posterior autem summè calida, quòd validius Sol & qualis è directo ea loca respiciat, verisimile est, variè admodù & quasi contrario modo affici homines, & idè etiam inconstantes morbos & varios generari, constipatis noctu & ante meridiem cutis corporis meatibus, post meridiem verò iisdem laxatis & dilatatis; vnde & morbi omnes ex putredine facillè producentur, obstructione putredinis altrice & perduatrice coadiuvante; tum etiam calore præternaturali externo superueniente, qui efficiens est huiusmodi putredinis. Hinc febres putridæ, pleuritides, vlcera depascentia, potissimùm in inferioribus partibus: hinc alui profluvia & dysenteria, pituita aut bile è capite descendente, & intestinorum tunicas vellicante & abradente: hinc præterea morborum reliquarum species ferè omnes, quarum cæterarum positionum locorum peculiares esse solent.

Graui voce præditos homines & raucos esse propter aërem inspiratum verisimile est; qui cum crassior sit quàm par est, vaporibusque excrementosis nimium refertus, neque ab Aquilonibus expurgatus, necesse est grauem ob humiditatem, & latitudinem instrumenti, & raucam ob humida excrementa ad organa continuò affluentia, sæpenumero in ijs vocem exaudiri. 177.

Situs huiusmodi loci, secundùm diei mutationes, similis est Autumno; eò quòd magnum discrimen sit, inter matutinum & vespertinum tempus: cum enim docente Hippocrate, in quibus locis modò calor, modò frigus vigent, expectandi sint morbi frequentiores & maiores, ea sanè vicissitudine Autûni naturam sequuntur. Ad hæc, si ventorum occidentalium simul sumptorum naturam considerauerimus, cum naturâ inter se diuersi sint, ideo situs in quo illi assidui sunt inæqualis omnino & Autumno maximè similis statuendus est: noctu enim, & horis ante meridiem, ambiens Autumni tempore solet esse frigidus, horis autem pomeridianis calidus. Pari ratione, ambiens huiusmodi locorum tum inæqualis est, & diuersus, ob naturarum diuersitatem, quæ in ventis perflantibus reperitur; tum etiam quòd venti occidentales ante meridiem spirantes, multò frigidiores sunt seipsis horis pomeridianis. Vnde inquit Auicenna, Fauonium vespere potissimùm suam salubritatem habere. 178.

179. At dicet quispiam, idem etiam ciuitatibus Orienti expofitis accidere. Quemadmodum enim antè meridiem Sol Occidentales ciuitates non calefacit, ita Orientales horis pomeridianis relinquit. Verùm dicendum, fufficere ad calorem, in prima diei & media parte acquifitum conferuandum, Solis fuper terram confidentiam pomeridianam: eum verò qui poft meridiem aduenit, à nocte fuccedente, quamprimum poffe auferri. Præterea Orientalis locus vfque ad meridiem Solis radijs illustratur, qui multò mitiùs calefacere poffunt, quàm à Meridie ad Occafum vfque. Vnde cum extremæ mutationes morbos quam plurimos parere foleant, fequitur quod ciuitates Occidentales multò fint infalubriores, quàm ciuitates Orientem fpectantes.

SIGNA VENTORVM EX REBVS

VARIIS DESVMPTA.

180. **D**ESVMVNTVR ventorũ figna ex varijs rebus; quorum præcipua ea funt, quæ ab apparentijs circa cæleftia contingentibus fumuntur. Poftea fuccedunt ea quæ à rebus in aëre confidentibus atque animalibus; quinimo & ijs quæ in terra reperiuntur: quorum fingula à Theophrasto lib. de ventorum fignis, pulchrè quidem, fed breuiter tradita funt. Nos eiuſdem ordinem feruantes, fingula fuſiùs, adiectis etiam fingulorũ cauſis, proponemus.

181. **SI SOL** itaque exoriens ferueat, nec fuos fulgores emittat, ventos nunciat; exhalatio namque cum in aëre abundat, poteſt radios Solis reddere hebetiores & calorem augere: præterea cum calor corufcans Solis proprius fit, ei que congruat, cum purus omnino exoritur, ideo ſi non coruſcat, ſignum eſt ab exhalationibus impediti, ac proinde ventum minatur: ſi enim vapores eſſent, qui obſtarent, non ſolum non coruſcans, ſed omnino ater appareret.

182. **SI SOL** concauus appareat, ventum velaquas portendit; concauitatis namque ab Ariſtotele traditur cauſa, cum ſplendidum corpus quale exhalatio accenſa eſt, à nigra aliqua concretione & cærulea circumdatur, tunc namque hiatus cuiuſdam & foueæ redditur in aëre imago & apparentia, illius exhalationis accenſæ lumine per atrum & cæruleum interrupto. Vapores itaque & exhalationes Solem

Solem in Ortu circumdantes eum concavum reddunt: Iure igitur imbres aut ventos expectandos monet Aratus inquitens.

Αλλ' οὐχ' ὅπποτε κοῖλος εἰδόμενος περιέλλοι. id est.

At non quando cauus apparens exoriatur

Virgilius quoque elegantissimè idem signū expressit hisce versibus,

Ille ubi nascentem maculis variauerit ortum
Conditus in nubem; medioq; refugerit orbe,
Suspecti tibi sint imbres; namque vrget ab alto,
Arboribusq; satisq; Notus, pecoriq; sinister.

Plinius autem de hoc signo ita loquitur. *Concauus Oriens pluuias praedicat: qui, ut patet, pluuiarum tantum non venti voluit esse argumentum.*

SOL si per plures dies ferueat, squalores & flatus diuturnos significat; æstus namque hic à calidæ exhalationis copia, in aëre exi- 183.
stentis prouenit. Si ergo æstus pluribus diebus duret, meritò flatus & squalores promittit.

SOLIS radij si in exortu spargantur, partim ad Austrum, par- 184.
tim ad Aquilonem, pura circa medium illius serenitas sit licet, pluuiam tamen ventosque significabunt, ut expressis verbis docent tum Theophrastus, tum Plinius, quorum posterior ab Arato suadescripisse videtur, qui hoc signum ita ad verbum exponit.

οὐδ' ὅπποτ' ἀκτίνων αἱ μὲν νότον αἱ δὲ βορρᾶν

σχίζόμεναι βάλλωσι, τὰ δ' αὐτὰ ἐν μεσσοῖς φαίνῃ

Αλλὰ περὶ ἢ νεοτοιο δέχχεται ἢ ἀνεμοιο. id est.

Neque quando ex radijs quidam Austrum quidam Boream

scissi tangant, media autem lucida sint:

Sed tum vel pluuiam ostendit, vel ventum.

Existente namque lucida & pura serenitate circa Solem spargi radij & scindi non possunt, nisi exhalationibus & vaporibus circa Solem existentibus; unde & imbres & venti expectandi sunt.

SOL & **LVNA** si colore rubro afficiantur & igneo, ventorum 185.
erunt signa, ob exhalationem coloris rubri causam, ut canit Aratus de Sole, Luna, & Nubibus agens

εἴ τι πού τις καὶ ἔρευθεος ἐπὶ τρέχει, διότι πολλὰ
 παλκομένων νεφῶν ἐρυθραίνεται ἄλλοθεν ἄλλα,
 καὶ πού μελανεῖ, καὶ σοὶ τὰ μὲν ὕδατος ἔσω
 σημάτα μέλλοντος, τὰ δ' ἐρευθεῖα πάντ' αἰέμοιο· id est.
 Si quando vel rubor incidit ut sepè
 Attractis nubibus rubescit alicunde aliter;
 Aut si quando nigrescet: & tibi hac quidem pluvia sunt
 Signa futura, rubea verò omnia venti,

De Luna paulò supra ita egit,

πάντα δ' ἐρευθομένη δοκέειν αἰέμοιο κελύτους· id est.

Omnino verò rubens conjicito ventimeatus:

Virgilius de Luna ita cecinit.

At si virgineum suffuderit ore ruborem

Ventus erit: vento semper rubet aurea Phœbe.

Plinius de Luna ita. Si quartam orbis rutilus cingit, ventos & imbres præmonet. Et paulò post. Si plenilunio per dimidium pura erit dies serenos significabit, si rutila ventos, nigrescens imbres. Ptolemæus de utroque lumine & nubibus inquit. Purus igitur Sol & tenebrarum nubiumq; expers non varius, si oritur & occidat, serenitatem præmonet: circulum autem varium habens, vel subrubeum, aut radios rutilos effundens siue extra, siue in seipsum reflexos, vel nubes quæ parelij dicuntur ex vno latere habens, aut rubras nubium figuras & radios circum sese in longum tendentes, vehementes flatus significat, pro ijs angulis quos respexerint visa illa. Et paulò post. Luna tenuis & rubra, totumq; orbem conspicuum habens & tremulum etiam, quâ parte non illustratur, 186. ventos maximè declinationis suæ ciet.

Verùm huic signo & ratione & clarissimorum virorum auctoritate confirmato, obstare videtur Christi sententia, dum Pharisæis signa aduentus petentibus ostendit his verbis. Facto vespere, dicitur, serenum erit, rubicundum est enim calum. Et manè, hodie tempestas, rutilat enim triste calum. Quibus verbis, vespertinam cæli rubedinem, serenitatē præmonstrare, non verò ventum significat. Verùm si rectè verba Christi percipiamus, dicemus rubedinē signum esse posse venti simul & serenitatis, si tamen primò ventū nunciare intelligamus. Vnde Christus utitur voce εὐδίας dum serenitatem significat, inquiring εὐδία: πνεῦμα γὰρ ὁ οὐρανός· est autē eudia serenitas quædā in aëre à ventis

ventis producta. Vnde Aristoteles ὁ ἀστὴρ γὰρ νότος εὐδίας ποιεῖ, id
 est. *Auster autem facit eudiam* Certum est Dominum de eiusmodi
 eudia hoc loco agere, in qua constitutione aër Austri flatum per-
 petitur cum serenitate coniunctum: quandoquidem rubedo, siue
 ad ortum conspecta, siue ad occasum, non tantum generaliter ven-
 tum significat, sed peculiarem quoque ventum, pro situs ratione,
 ad quem inclinat. Neque enim cælum tantum sed terra quoque
 contuenda est; vnde Christus faciem terræ commemorat inquiring.
Hypocrita faciem cali & terra nostis probare &c. Atqui ipse Iudæis
 loquebatur ac Hierusalem habitatoribus, apud quos potissimum
 verum etiam est, vt Didacus rectè animaduertit, nubem de occasu
 surgentem pluuias minari. Quamquam non Iudæis tantum id est
 proprium, sed omnibus commune, cum scilicet Sol nubilus oc-
 cumbit, pluuias portendi, verum Iudæis potissimum: habet enim
 Palæstina ab occasu Ægyptiacum pelagus & Mediterraneum præ-
 fertim Æquinoctiali & Æstiuale; vnde atræ nubes ad illos, cæli
 maximè angulos conspectæ, pluuiarum illis certa indicia erunt. Cæ-
 terum quoniam tota Africa continens Palæstinæ ab occasu est Bru-
 mali, exhalatio verò ex terra ipsa maximè oritur, idcirco vespertina
 rubedo ventos Austrinos præsertim poterat regioni illi præmon-
 strare. Merito igitur inquit Dominus, *facto vespere dicitis eudia erit,*
rubicundum est enim cælum: spectantibus enim Iudæis ad occasum rube-
 dinem, eudiam augurabantur, Austrum videlicet cum serenitate: est
 enim locis illis Auster serenus, ob sui ortus propinquitatem, vulga-
 ta verò editio serenitatem tantum exprimit, sed intelligendum est,
 illam Austri flatum coniunctam habere, nam rubedo ventum pri-
 mò ostendit. Itaque eudia hoc loco sine vlla dubitatione pluuijs
 tantum opponitur, non autem vento.

Quod autem adfert Albertus Magnus rubedinem matutinam 187.
 pluuias, vespertinam verò serenitatem indicare, nobis minimè
 placet, vti nec causa hisce verbis expressa. Alterum autem, quare rubor
 in mane significat pluuiam, & in serò significat serenum: Quia scilicet in mane
 rubor est signum, quod Sol vaporem eleuatum in inferiori hemisphærio trahit
 secum ad superius, & ibi calore suo facit ascendere ad locum altum frigidum,
 vbi est generatio pluuiarum. In serò autem rubor signum est, quod
 Sol vaporem eleuatum in superiori hemisphærio trahit secum ad

inferius hemisphærium, & emundat superius hemisphærium, & serenat ipsum à vaporibus, ex quibus generantur pluuiæ. Quanquam alibi de causa colorum in nubibus agens, matutinam rubedinem alia ratione, nimirum propter maximam vaporum humiditatem, pluuias indicare his verbis scripsit. Si autem nubes habeat in se humidum fumosum, admixtum aliquantulum terrestri adusto: & recipit radios in se corporum superiorum, fiet rubea nubes, quæ aliquando habet purpuream rubedinem, radijs inferius venientibus, ad humorem nubis in manè vel in sero: & hoc significat pluuiam in eodem die futuram, si fuerit in manè, quando vapor quem Sol adducit significatur esse vehementer humidus & iam preparatus ad conuersionem. Verum hæc Alberti opinio reiicienda est, nam rubedo nullatenus pluuiarum signum esse potest, nisi nigredo quoque accedat, siue manè siue vesperi appareat. Secundò rubedo vespertina non cogit ut credamus Solè vnà secum vaporem deferre, quandoquidè ex Aristotelis & Theophrasti sententia occidui venti Sole ad Occasum accedente gignuntur per æstatem, quia Sol labens ex inferiori hemisphærio materiã attrahat: Quamobrem poterit Sol etiam cum occumbit, non solum ex nostro ad inferius hemisphærium vapores secum ducere, sed etiam ex inferiori in nostrum mittere.

188. Nec magis tuta sunt, quæ Granatensis verba Christi præfata explicans, adducit, inquit Solem manè & vesperi nubem illustrare, hoc tamen discrimine, quia nubes manè illustrata incrassatur, & idè luce consumpta tenebrescit, & in aquas dissoluitur: & contrà nubes quæ vesperi fulget, sensim absimitur, & idè futuram serenitatem præmonstrat. Videntur enim hæc voluntariè dicta, cum nulla appareat naturalis ratio, quare nubes manè debeat incrassari, vespere verò emarcescere, quin potius ob noctis iam accedentis frigus, atque ob Solis discessum contrarium dicendum videatur.

189. FRANCISCVS VALESIVS verba CHRISTI præfata expendens, ita scribit. Huius quoque si fieri potest, reddenda hoc loco causa est, ea verò mihi esse videtur, quod nubes densa tacta Sole obliquo, qualis est qui iam occidit, nigriciem præ se ferunt. Quæ ergo rubicunda sunt, non sunt adèd opaca & densa, sed penetrantur lumine, quapropter in diem posterum nullum indicant tempestatis apparatus; serenitatem ergò promittunt. Cum verò oriente Sole trisse hinc inde & nubilosum se exhibet calum, plerumque solent ad primum orientis Solis occasum dispergi nubes. Quæ tamen si densæ sunt, quales cum triste est calum, non dissipantur, sed excepti per eas radij Solis videntur rutilare. Postremo
verò,

verd vesp̄eri, cum Sol cum quo toto die sunt coactata languescit, concurrunt, densantur fiuntq; umbres. Hæc Valeſius in quibus multa sunt quæ non parum difficultatis habent. Nam primum densitas simpliciter non est nigredinis causa, deinde non sufficit raritas ad nubium rubedinem generandam, quamobrem rubedinis causa sufficiens erat Valeſio assignanda. Tertiò matutina constitutio quoniam valida est, nullatenus plerumque ad primum orientis Solis occursum dispergitur, sed è contra concreſcit, & imbrem, non in sequentem noctē, sed mox interdiu gignit. Vnde inquit Christus. *Hodie tempeſtas.* Demum, nullo modo possunt radij per densas nubes illas excepti, rutilum, hoc est, rubicundum cælum reddere, cum nubes densæ obliquis radijs tactæ, quales sunt Solis nuper orientis, nigritiem præseferunt.

Si ante quartam Lunam Aquilone dominante, Lunæ cornua recta fuerint, Fauonij efflare solent, hyemalisque totus mensis erit quod & Aratus adnotauit. 190.

Εἰ δ' ἐκ' ἐπ' ἀμφοτέρω κέρχωρ, τρίτον ἡμᾶς ἄγουσα

Μὴ τέ τι νευσάροι μὴδ' ὑπ' ἰώωσα φαίνοι,

Αλλ' ὄρθαι ἐκάτ' ἐθε περὶ γιάμπτος ἀεράται

Ἐσπέραιοι κ' ἀνεμοὶ κείνῃ μεσὰ νύκτα φέροντο.

hoc est.

Sin autem in ambobus cornibus tertiam diem agens

Neque nutet, neque resupina luceat

Sed recta vtrinque inclinent cornua

Occidentales venti illam post mediam noctem agitentur.

Theophrastus idem signum tradens supponit, cum Lunæ cornua directa cernuntur, Aquilonem dominari; & propterea subdit, Fauonios solere ἐπιπνεῖν, vnde vult vnà cum Aquilone Fauonij quoque flatum excitari. Causa huius rei eadem adferri potest, quam Cardanus de Afello Boreo vel Austrino attulit: cum enim cornua diuersam, quam suâ naturâ debeant, reddunt apparentiam, signum est, circa illam aëris partem, quæ cornibus respondet, exhalationē esse congregatam, quæ hanc efficit varietatem. Theon Arati interpretes causam huius rei in aëris qualitates diuersas refert, atque in eius expulsionem, quam venti faciunt, cum moueri incipiunt. Cum enim venti aëris magnam copiam quam ante se habeant, surgentes pellant, aërem hunc pulsū varias efficere in Lunæ cornibus appa-

H

rentias

rentias, arbitratus est: quamobrem si flare incipiat Fauonius, cornua ambo ad Ortum prona reddi scribit; si Subsolanus est, contra resupinata; si Aquilo, Septentrionale cornu inflexum & curuum; si Auster, Australe &c. Fortasse non fuerit à veritate omnino alienum, ex Lunæ situ, varias has in cornibus apparentias effici; non solum quòd exhalatio in aëre vigeat, vt Cardanus, vel quia moueatur aër, vt Theon voluit; ad Austrum enim delecta Luna mouet Austros; vnde meritò Austrinum cornu signum datur; si in Aquilonem vehatur, Aquilones, vnde & cornu Septentrionale obseruandum erit. Quod si citius appareat à Sole digressa, quia videlicet occasus sit proximior, occiduos flatu commouere poterit. Verum hæc coniecturæ tantum sunt sensuum fide experiundæ.

191.

Cum ante quartam Lunam superius cornu Lunæ acuminatum erit, mensem portendit Aquilonium; cum verò inferius, mentem Austrinum. Hoc signum à Plinio hisce verbis proponitur. *Cornu eius Septentrionale acuminatum atque rigidum, illum præfagit ventum: inferius Austrum.* & alibi de ventorum varijs figuris agens. *In quinta, cornua eius obtusa pluuiam: erecta & infesta ventos semper significant.* Aratus addit, si cornu Septentrionale fuerit resupinatum Austros portendere, quod idem de Austrino etiam affirmare possumus: si enim acuminatum fuerit, Austrum, si resupinatum, Aquilonem significabit. Carmina Arati sunt hæc.

Εἰ δ' ἐκείναι κεφαλῶν τὸ μετ' ἡγορ ἐν ἐπινέοι,

Δευδεχθῶν βορέω, ὅτε δ' ὑπ' ἡλιοῖ, νότιοιο.

Si enim autem eius cornu superius aptè nutet,

Expecta Boream: cum verò resupinet, Austrum.

Causa huius signi ex superiori patet. Rectè autem addit Theophrastus, mensem totum Aquilonium vel Austrinum expectandum esse; quandoquidem potest aspectus hic de totius etiam mensis statu decernere: si Ptolemæo credimus qui asserit, si nouilunium proximè præcesserit, altero quatuor punctorum cardinalium, co toto illo quadrante esse vtendum: si antecesserit plenilunium, aspectum hunc esse obseruandum.

192.

Circa quartam diem si vtraque cornua directa fuerint, nec vt debent inclinata, nec pulchrè orbiculata, ad dimidiam vsque Lunæ hyemari consuevit; si ignea vel rubicunda, ventum portendere creditur.

ditur. Cùm verò Luna cum primùm sese præbet conspiciendam
maximas afferre possit mutationes, igitur & diurnas: itaque &
propter aspectum & propter Aquilonem posse signum illud totum
mensem portendere hyemalem antea diximus. Circa quartam verò
Lunam sextilis fit configuratio, quæ multò solet esse imbecillior.
Vnde nihil mirum si hoc signo pauciorum dierum tempestas præ-
sagitur. De quarta Luna ita Plinius, *si splendens exorta Luna puro nitore*
fulsit, serenitatem: si rubicunda, ventos: si nigra, pluuias portendere creditur.

Mergi anatetque, tùm naturâ cicures, tùm agrestes pennas re- 193.
stro purgantes, diu multumque alas excutientes, ventos spondent;
cum enim aues eæ pluuiam maximè prænoscant, qualis plerumque
sine ventis esse non solet, ideo iure aues illæ ventos quoque præ-
sagient.

Fulicæ tranquillitate existente, quo euolârint, ventum præ- 194.
nuntiant.

Passeres tumultuosa, per hyemem vesperi obstrepentes & pi- 195.
pillantes, vel mutationem venti vel pluuias indicant.

Ardeola multum obstrepens, ac mare fugiens, venti est indici- 196.
um: quod si magnos det clangores, ingentes minatur.

Canis humi se volutans, magnos ventos pollicetur. Hæc om- 197.
nia signa inde veritatem habent, quod animalia mutationis futuræ,
ad frigora & calores congenitum & natium sensum habeant. Na-
turæ enim rerum omnium ac præsertim animalium sine doctore
doctæ sunt, & perinde operantur, quæ citra intelligentiam ducun-
tur non cognitione finis, sed naturâ, quasi summâ sapientiâ præditæ
essent: imò verò hæc solæ non aberrant.

Reflexus maris fluxu maior Aquilonios flatus, fluxus verò re- 198.
fluxu maior. Austrinos prænunciat tanquam effectus causam à qua
producitur. Etenim Aristoteles causam omnem ætûs maris retulit
in spiritus, uti tum ex Theophrasto signum hoc proponente colligi
potest, tum ex ipso Aristotele qui id ipsum docet ad finem lib. 4. de
animalium ortu his verbis, ὡς πῶς γὰρ καὶ θάλατταν καὶ πᾶσαν
ἐξ ἡμερ τῆρ πῶρ ὑγρῶν φύσιν ἰσαμένην καὶ μεταβαλλούσαν καὶ τῆρ
τῶν πνευμάτων κίνησιν καὶ στασιν. τὸν δὲ ἀέρα, καὶ τὰ πνεύματα, καὶ
τῆρ τοῦ ἡλίου καὶ τῆς σελήνης περίοδον, οὗτο καὶ τὰ ἐκ τούτων φύ-
μια καὶ τὰ ἐν τοῖς ἀκολουθεῖν ἀναγκαίον. καὶ λογὸν γὰρ ἀκο-
λουθεῖν

πούτῃ καὶ τὰς τούτων ἀναγωγὰς περιόδους, τὰς τῶν κινήσεων. Εἰς
 γὰρ τὴν καὶ πνεύματος ἐστὶ, γίνεσθαι καὶ φθίσι. Hoc est. Quemad-
 modum enim cernimus mare & omnem humidorum naturam quiescere & mo-
 ueri pro spirituum motu & quiete: aërem verò & spiritus pro Solis & Luna peri-
 odo; ita & quæ ex his & in his oriuntur Solis & Luna periodum sequi necesse est:
 rationi enim consentaneum est, rerum minus principalium & eorum quæ subsunt
 periodos: sequi rerum periodos quæ dominantur. Hæc ille: ubi voce πνεύ-
 ματων non duntaxat ventus aut flatus, sed potissimum quem pas-
 sim Achola philosophica spiritum appellat, intelligi debet. Argu-
 mentatio autem Aristotelis est talis: mare & omnis humida natura
 mouetur & quiescit ad motum spiritus, spiritus mouetur & quiescit
 ad motum Solis & Lunæ: igitur mare & omnis humida natura mo-
 uetur & quiescit ad periodum Solis & Lunæ: Item spiritus mouetur
 & quiescit ad periodum Solis & Lunæ, animalia ex spiritu constant
 & ex humida natura, atque in humida natura & mari & aëre gene-
 rantur: igitur animalia ad Solis & Lunæ periodum quiescunt &
 mouentur, & quod idem est, sequuntur horum siderum periodos.

299. Sed cur refluxus Aquilonijs, fluxus verò Austrinis tribuitur à
 Theophrasto? causa sanè inuestigatu difficilis videtur, probabilis
 tamen talis esto: Si aëris flatus Austrinus fuerit, quoniam ambiens
 calidus est, maris interiora frigescunt, quæ de re minus aptum est
 mare, vt in eo & potens & multus spiritus generetur: si igitur tunc
 contingat refluxum solito maiorem fieri, id certum signum est ex
 Austrino flatu fieri in Aquilonium mutationem, quoniam maris
 aqua iam tali affecta constitutione densari incepit & compingi; ac
 subinde minus apta fieri, vt à spiritu moueatur, alioqui ob dictam
 causam imbecillo; vnde & fluxus respectu, multo maior cernitur
 refluxus: parum enim tum aqua attollitur, ac intumescit, refluitque
 insigniter, & recedit, ita vt refluxus solito maior esse videatur. Simi-
 le locum habet in ipso fluxu, nam si aëris flatus fuerit Aquilonius,
 quoniam frigidus aër est, mare necessariò est calidum, propterea
 & multus & potens in eo spiritus generatur. Quod si iam sensim &
 occultè incipiat Austrinus flatus imperare, maris aqua liquari inci-
 pit & diffundi, ac subinde aptior est, vt facilius à spiritu potentissi-
 mo moueatur; quocirca ingens efficitur flatus, ac multo maior re-
 fluxu. Verùm ratio hæc probabilitatem duntaxat continet; est enim
 aded.

ad id perobscurum tale signum ut etiam hoc unicum Aratus, Plinius, Virgilius & Ptolemæus silentio præterierint.

Araneæ multæ per aërem latæ, futuri flatus, vel hyemalis temporis dant indicium; huius rei duplex adfertur causa ab Aristotele problem: 61. sect. 26, Aratus signum hoc ita exprefit.

Μὴ δ' ὅτε νηὲ μίη ἐν ἀράχνια λεπτὰ φεθήτω. &c. id est.

Neg, quando in ventorum tranquillitate aranea graciles feruntur. &c.

Mare intumescens ventos prædicit. Aratus sic.

201.

Σῆμα δὲ τοι ἀνέμοιο καὶ ὀιδυνῶσα θάλασσα

εὐγέθω id est.

Atqui signum venti etiam intumescens mare

Est.

Plinius causam etiam explicans, ita inquit: Sapè & silentio intumescit: flatusq; altius solito iam intra se esse ventos fatetur. Quo loco, pro flatusq; legendum puto factumq; ut sensus bonus sit. Ex hoc loco colligere licet spiritum esse causam, ut mare intumescat, qui de mari quasi expirans vehementes ventos interdum gignit.

Montes, ripæ maris, quasi vocem edentes: littora quoque si resonabunt, ventos augurantur: Aratus de iisdem hoc modo.

202.

ὡς καὶ μακρὸν ἐπ' ἀργαλοὶ βοῶντες.

Ἀκταὶ τ' ἐναλίω, ὅπου τ' εὐδαίμων ἤχησσαι.

εἰνόνται id est.

et multum margines insonantes.

Littoraq; marina, cum serena arguta

Fiunt.

Plinius sic. Est & aquarum significatio. Mare si tranquillum in portu & cursu stabit, & murmurauerit intra se, ventum prædicit. Si identidem, & hyemem & imbrem. Littora ripaq; si resonabunt tranquillo, asperam tempestatem; item maris ipsius tranquillò sonitus spumaq; dispersa, aut aqua bullantes, & mox. Atque etiam in campis tempestatem venturam præcedens suus fragor: calidum quidem murmur non dubiam habet significationem. Virgilius etiam ante illum de eodem signo:

Continuò ventis surgentibus, aut freta ponti

Incipiunt agitata tumescere: & aridus altis,

Montibus audiri fragor: aut resonantia longè

Littora misceri: & nemorum increbrescere murmur.

H 3:

Ve.

Verum causa inuestiganda est, quare sonus hic tum in mari tum in littoribus fiat, atque etiam in montibus: sonus aut est insolitus omnino aut solito maior: causa dependet tota à medijs aëris videlicet qualitate, hanc Alexander perbellè his verbis expressit. *Et soni & voces, quæ per humidiora media sunt, grauioribus sunt; grauiora autem cum maiori mole.* Aristoteles quoque voces nostras hyberno tempore esse grauioribus asserit, quoniam aër interior tunc & exterior crassior est. Patet idcirco ex his, voces & sonos, quos & fluuiorum & maris littora edunt, per aërem humidioribus & crassioribus transeuntes, grauioribus reddi: quod quidem certum est pluuiarum argumentum: quando quidem instante pluuiâ crassior aër & humidior efficitur. Ventos autem cur fragor ille prædicat, docet Aristoteles, scribens in nonnullis Aëoli insulis cum flaturus est Auster, ea loca, ubi effusionibus fiunt sonum emittere, vel quia spiritus è mari propellatur, vt Alexandro placet, vel vt Vicomercato, quia ad concauitatum latera allidatur, dum videlicet infrigidato aëre externo pellitur spiritus ad interiora, qui internum aërem & concauitatum latera verberat, & sonum caulat. His consonant ea quæ 3. Regum cap. 18. describuntur. *Et ait Elias ad Achab; ascende, comede & bibe quia sonus multa pluuiâ est.* Et ad finem cap. *Cumq; se verteret huc atque illuc, ecce calis contenebrati sunt. & nubes, & ventus, & facta est pluuiâ grandis.*

203. Dies post brumales conuersiones quintus decimus plerumque Austrum præfert, vt docet Aristoteles; quia conuersiones ipsæ principium quoddam sunt, Sol verò, cum in ipso principio est, maximè aërem mouet; tenens verò conuersiones hybernas ad Austrum vergit, vt meritò Austros tunc excitare debeat: nam quia principium attingit, debet mouere aërem: quia verò principium tale quod ad Austrum est, aërem debet Australem commouere, itaque Auster per id tempus excitabitur.

204. Cum porrò Aristoteles inquit diem septuagesimam à brumali conuersione Australem esse; præterea cum dixerit adeo Solem esse remotum à loco vnde Austri oriuntur, vt minus possit illos excitare; mirum alicui videbitur id decimæ quintæ diei posse ascribi. Verum respondere licebit, eo loco de Etesijs Austrinis sermonem haberi, qui ex materia iam congelata oriuntur, & continui magis spirant, quam reliqui Austri. Itaque dum asserit Philosophus Solem antea minus posse ob distantiam; fatetur tamen aliquid posse.

se. Cum enim tribus anni partibus flare Austri solcant ex Aristote-
lis sententia Hyeme, Vere & Autumno; Sol die decima quinta à
brumali conuersione, nempe hyeme, minus potest quidem, sed ta-
men aliquid, videlicet ex terra illa, ob Solis discessum pluuijs ma-
didu, exhalationes aliquas gignere, ex quibus Austri fiant, non ta-
men continui. Vere autem ineunte proximior factus, magis potest,
nimirum Austrinos Etetias ex materia antea concreta generare, &
propterea Austros continuos magis; licet Etetiarum Aquilonariu
respectu, minus continui dici debeant.

Aquilonem prænuntiat terra siccescens repente; Austrum hu- 205
mescens rore occulto, inquit Plinius: qui hoc signum delumpfit
ex Theophrasto ita scribente. *Spirantibus Aquilonijs flatibus siccantur
omnis, Austrini verò humidiora redduntur.*

Si flante Aquilone, eorum crepitus audiatur, quæ pridem con- 206
glutinata, cum Austro dominatur, remitti ac resolui solent, indicium
est in Australes ventos fieri mutationem.

Si pedes intumescant, rursus Austrinam mutationem indicant; 207
excitatus enim calor & humor alienus, in parte illa corporis tumo-
ris causa est: atqui calor alienus & humor Austrino flatu excitantur.
Verum pedes non nisi valida existente constitutione hac, tanquam
minus sensibiles possunt intumescere: & valido Austrino imperante
flatu Ecnephas, hoc est, procella pertimenda est; non fit enim Ec-
nephas Aquilonijs temporibus sed Austrinis: cum Ecnephas spiri-
tus sit ex nube confertim & densior excretus, atque elisus, ac subin-
de violentus, qualis in valido Austrino flatu excerni facile potest.

Herinacius terrestris subterraneum cubile sibi fodiens, ven- 208
tum prænuntiat; quibus autem locis inhabitat duo foramina efficere
solet, vnum quidem ad Austrum, alterum verò ad Aquilonem, &
qualecunq; obturauerit, illinc ventos emeruros indicat: si ambo,
magnos prænuntiat, vt inquit Theophrastus: Aristoteles idem signu
hiscæ verbis describit. *De herinaciorum sensu locis multis persensum est, vt
qui incauerni sunt, commutent sua cubilia Aquilonum & Austrorum mutatio-
ne. Qui autem intra tecta aluntur, ad parietes discedunt. Quod ita fieri cum
Byzantiij quidam animaduertisset, consecutus existimationem est,
vt tempus futurum posset præscire.*

Si mare de repente tranquillum reddatur, flatûs mutationem 209
vel incrementum præscit; significat namque ventum illum iam

sedarià quo commouebatur, vnde meritò flatùs promittit mutationem. Verùm quoniam exhalationes intra ipsum mare genitæ & in spiritum conuertæ, illud etiam agitare possunt, quæ exeuntes ventos pariunt; propterea repentina maris tranquillitas, potest flatùs quoque incrementum significare, augescere nimirum marinis exhalationibus venti flatu.

210. Si montium cacumina solito altiora appareant, vel insulæ ex vna multæ ementiantur, Austrinam promittunt mutationem; aer enim crassior redditus, eiusmodi apparentias in aëre gignit. Atqui crassus maximè efficitur ob Austri flatum; meritò ergo signa hæc Austrum portendunt.

211. Terra si nigram sese oculis cernendam præbeat, Aquilonios: si albam, Austrinos spiritus promittit; Aquilo enim minus aërem perturbat, imo & serenum reddit. At omne quod minus perturbatum est, nigri reddit apparentiam: hinc serenus aër eminus inspectus & in profundo, proximè apparet colore cyaneus, propter raritatem: meritò igitur terra si nigram se præbeat conspiciendam, Aquilones, si albam, Austros præsefert.

212. Coronæ si circa Lunam fuerint, decernunt magis flatus, quam si Solem ambierint; corona enim quæ circa Solem fit, non potest nisi ex frigidiori & vaporosa magis materia constare: nimirum tali, quæ sua frigiditate, calori Solis adeò aduersetur, vt nequeat dissolui.

213. Quod si coronæ circa ambo luminaria disrumpantur, ventos proximos esse monent; & ex qua parte ruperint se, ventus expectetur. Ventus namque in ipsa constitutione genitus, eam distrahit, & ab aliqua parte intercidit. Vnde Alexander. ἡδὴ γὰρ ἐκεί πνεῦμα ἐστὶν ὃ καὶ τὸ νέφος, καὶ ἡ τοιαύτη σύστασις διασπᾶται. quod est. Iam enim ibi ventus est, qui nubem & constitutionem frangit. Gignitur autem ventus ibi, quoniam constitutio exhalationes habet plures, & quidē aptas vt ex illis flatus oriatur.

214. Nubes vnde exoriri & moueri videbitur, inde ventus veniet; cuius causa est, quod ventus motus principium è supero loco habeat, idèò nubes à vento pulsa mouetur.

215. Si temporibus æstiuis nubes sicæ & aquarum expertes exoriantur, ventum indicant; cum enim eiusmodi nubes minus vaporibus abundant, exhalationem, ventorum materiam, in illis dominari, rati.

rationi videtur consentaneum; ex quibus mox venti oriantur: astate autem id potissimum accidit, non autem hyeme, quoniam sicca exhalatio hyeme facile refrigerari potest temporis frigiditate, quâ refrigeratâ ventus oriri potest.

Si undique fulgura cadant, aquas nuntiant; atque vnde crebra & densiora ceciderint, inde ventus exorietur. Ideo autem non pluviam duntaxat, sed ventum indicant fulgura, quia elisa exhalatione oriuntur; cum autem exhalatio hæc à vapore superetur, inde meritò venti solum promittentur, vnde crebriora fulgura ceciderint & densiora. 216.

Per Æstatem vnde fulgura & tonitrua ceciderint, illinc vehementissimi venti & valentissimi spirabunt. Quod si vehemens viribusque præcellens fulgur fuerit, celerius & vehementius flabunt: si verò paulatim ac leniter, exiguus ventus erit. Nam æstivo tempore & antiperistasis maximas habet vires, & vaporum exhalationumque maior copia generatur, exhalationumque potissimum ob temperamenti temporis consensionem. Quare exhalatio non solum ad fulgura & tonitrua producenda satis est, verum etiam ad ventos generandos; impetu autem magno eadem hæc exhalatio movetur, ob caloris circumstantis vim coaceruata frigiditate, ac subinde vehementer facta concretionem. 217.

Per hyemem autem ac Autumnum contrà evenit; fulgura enim ventos sedant, & quò vehementiora fuerint fulgura & tonitrua, eò magis hoc efficiunt; hæcque omnia sunt ob causas contrarias ipsarum de æstate attulimus: hyeme namque longè minor est vis antiperistasis, imò fortasse nulla tunc efficitur: deinde in nube non tanta ad exhalationem copia, ut fulgura possit & tonitrua, ac præterea ventos generare: itaque si sunt, ventos sedant, consumpta in elisione fulguris & tonitruum exhalatione tota, ut nulli amplius venti sint timendi. 218.

Si Austro spirante, fulgur à Septentrione venerit, desinet Austro flare: si à parte exortiva, tertia die cessare Austro solet. Prioris enim signum est materiam ventis gignendis idoneam ad Septentrionem parari, iamiamque Aquilonem exoriri. Verùm Aquilo Austro sterinit, docente Aristotele. Itaque desinet Austro necessariò. Posterioris autem causa est, quoniam Orientalis flatus naturâ Austro 219.

strinus est, nec Austrum comprimit, cum non sit secundum diametrum oppositus.

220. Alij autem venti, si coruscauerit à parte exortiva, cessare solent; quinta, septima & nona die: Occidui autem flatus celeriter deficiunt: cuius quidem prius, tum in exhalationum copiâ, ex quibus venti illi oriuntur, tum ad loca, ex quibus manant, & per quæ transeunt, & ad quæ vadunt, referendum est.

221. Quos ventos Sol exoriens sedat, Luna emergens excitat, & contrâ; etenim Sol & Luna non diuerso duntaxat, verum etiam contrario modo agere videntur. Sol namque absumendo humorem caloremque augendo flatus sternit, Luna humorem è contrâ augendo. Etenim ijs exhalationibus quæ plurimum habent humoris Sol calorem augendo motum impertitur. Igitur exoriente Luna augetur ultra modum ille humor, ex quo & flatus cessabit. Sternit autem tales Sol, quia humorem exsiccat: & Luna exoriens humorem augetur. Quamobrem causa erit vt moueantur.

222. Venti & potissimum Aquilonij qui interdiu incipiunt, diuturniores & valentiores sunt, quàm qui noctu. Qui namque à robustiori principio generantur, ij necessario diuturniores sunt & potentiores: at calor maiores interdiu habet vires quàm noctu, igitur & tunc maiorem exhalationum copiam excernit. Idem quoque si gnum in alijs ventis locum habet præterquam Austrinis.

223. Si Etesizæ plurimum temporis flauerint, & Autumnus ventis perflatus fuerit, tunc hyems tranquilla, & à ventis silens erit. Quod si contrario modo res contingat, & contrario modo se res habebit. Prioris hæc est causa cū in tēpore præcedenti materia tota consumpta sit, ac iam evanuerit, nondumque alia affluerit, necessario hyems erit à vento silens. Quin etiam cū in transitu Autumni in hyemem, mutatio in aëre fieri debeat, omnis vero mutatio in contrarium sit, iure Autumnus ventis perflatus hyemem tranquillam auguratur.

224. Vnde è montium summitatibus nubes producuntur, inde venti flabunt. Similiter nubes si à tergo confidant, venti quoque à tergo flabunt. Cum namque nubes moueantur à ventis, mirum non est, si ex nubium situ, quâ ex parte flaturi sint, prænuptietur.

225. Montes nubibus obuestiti ac præincti, augures vt plurimum Australium flauum esse solent; quoniam nubes humidiores cum fuerint.

fuerint, descendunt, ac montes ipsos præcingunt. At Austrina iam
vigente tempestate, humidior aer redditur: iusta ergò de causa si-
gnum hoc Austros significat.

Cometæ sæpè ventos nuntiant, & si multi fuerint, squalorem: 226.
de qua re consulendus Aristoteles cap 8. i. Meteor.

Post niuem Auster, post pruina Aquilo spirare consuevit, 227.
vt præter Theophrastum docuit Aristoteles problem: 3 sect: 26.

Fungi in lucernis potissimum non continuati, sed in grana qua- 228.
si distracti, milio similia ac splendida, aquam expectandam esse &
ventum indicant; dominari enim in aëre vnà cum vaporibus sic-
cam exhalationem ostendunt. Cum enim humore omnia continu-
entur, distinctio illa sicciolem esse constitutionem arguet, præ-
sertim si accedat splendor qui in eiusmodi concretionibus à sicca
exhalatione causatur. Quamobrem simul cum plurijs venti meri-
to expectandi sunt.

Pappi multi, qui ortum ex spinis ducunt, si per aërem volitent, 229.
aut, vt loquitur Theophrastus, si ad mare ferantur, magnum futu-
rum flatum prælagiunt. Plinius signum tale hoc pacto proponit.
Lanugo populi aut spina volitans, aquisq; pluma innatans &c. Virgilius
quoque ante illum.

Sape leuem paleam, & frondes volitare caducas,

Aut summa nantes in aqua colludere plumas.

Ideo autem magnus ventus prælagitur; quia non nisi vehementi
quodam motu aëris, ex arboribus lanigeris lanugo aufertur, quæ
magnum ventum propterea spondet, iam iam validè aërem ipsum
commouentem.

Astra plura, ex qua parte discurrunt, ventum prænuntiant. 230.
Quod si vndique discurrant, ventura flatuum plurimorum prælia
ostendent; ab exhalatione enim sicca discurrentia astra fieri docet
Aristoteles. Quamobrem quò fuerint crebriora, eò etiam maiore
exhalationis huius copiam demonstrabunt, hæc autem ventum
signet. signum hoc ita describit Aratus.

Καὶ διὰ νύκτα μέλαιναν ὅτ' ἀέρες αἰσώσῃ
ταφρέα, τοὶ δ' ὀπίθεον θυμοὶ ὑπολευ καίνωνται,
Δειδέεσθαι κείνοισ ἀυτὴν ὁδὸν ἐρχομένοισι

πνεύματος id est

Item per noctem atram cum stella præcípites ruant
Crebrò, à tergo verò tractus subalbescant,
Accipito per illas eadè viâ venientem,
Ventum.

Virgilius Aratum imitatus

Sæpè etiam stellas vento impendente videbis:
Præcípites calo labi.

Plinius. Tertio loco stellarum observationes esse oportet. Discernere ea videntur interdum, ventiq; protinus sequuntur, in quarum partibus ita præsagiùre: & mox si volitare plures stella videbuntur, quò ferentur albescentes, ventos ex ijs partibus nuntiabunt: aut si cursitabunt certos: si id in pluribus partibus fiet, inconstantes ventos effundent. Quod totum ab Arato sumptum est ita canente.

— εἰ δ' ἔκεν ἄλλοι ἐναντίον αἰσσωσῶν
Ἄλλοις ἐξ ἄλλων μετέωρ', τότε δ' ἡ πεφύτατο
παντοίων ἀνεμῶν δι' τ' ἀκριτεῖ ἐῖς μάλα.

Quod est ex Auieno..

Quod si diuersis se passim partibus ignes:
Excitant: verret pelagus sine fine modòq;
Turba procellarum.

Demum Ptolemæus; Item lationes stellarum si ab vno angulo prorumpant, inde quoque ventum emittunt. Sin occurrant inter se, ventorum prælia suscitant: sin verò de quatuor plagis ruant, hyemes varias ferunt, atque etiam fulmina, tonitrua. & quæ alia huiusmodi sunt. Causa huius signi ex modo generationis syderum currentium desumitur; cum etiam alia fiant accensione quadam (exhalatione videlicet motu accensa) alia excretionem potius exhalationis (quæ fit elisione quadam) prior in supero loco magis generatur, ideoque ventos non indicat, nisi quatenus exhalationem dominari trudi que ad hæc loca nostra monstrat: posterior in inferiori loco gignitur. Atque talia currentia sydera ventos præfagire possunt, quoniam eo in loco venti sunt, in quo coguntur in nubes exhalationes ipsæ & vapores: vnde ea in parte incipientes, atque huc & illuc suo flatu accensas exhalationes illas ferentes, iam iam eum ad nos appropinquare indicant.

F I N I S.

LAVS DEO OPTIMO MAXIMO.

Ode

TRICOLOS TETRASTROPHOS.

AD NOBILEM ET PERERVDITVM DOMI-

NVM ANDREAM MIROVSKI, I. V. STV-

DIOSVM, HASCE METEOROLOGICAS DE VENTIS AS-
sertiones defensorum, Præceptorem suum ob-
seruantissimum.

ANDREÆ CORYCINII A CORYTHNO

ELOQVENTIÆ STUDIO.



Vlti Thyrsigeri, vix tamen vnus est
Bacchus: sic sophico nomine plurimi
Gaudent, sed quot, honores
Hos, virtutibus ampliant?

Pauci, crede mihi; res etenim ardua est,
Et longè superans iudicium rudis

Vulgi, nomen honoris
Hoc defendere debitò.

Nam non exigua, ast magna requiritur

Rerum cognitio: nosse decet physis.

Rerum, nosseque causas.

Occultumque opus omnium.

Non intrasse iuuat solum aditum, sed &

Abstrusum ipsum adytum: quærere conuenit:

Rerum ortus, obitusque;

Finem, principium, situm:

Cum ventis pluuias, fulmina, grandines,

Et quidquid generat cunctiparens humus.

I 3

Quin

Quin Neptunus & ipse
Inuisendus in æquore.

Demum nulla poli, nulla soli, sali
Pars nulla esse potest, quam deceat sophum

•Prætermittere: nam qui
Talis, qualiserit sophus?

Odiuum genus, ô aurea pectora,
O verè ingenium par genio Deum,

Cui non est scopus aurum,
Sed virtus Sapientia.

Tu nunc qualis in hoc sis studio, tua
Isthæc docta thesis publica comprobat:

In qua nimbi sonorum
Ventorum vaga flamina,

Tali & tam nitido prosequeris stylo,
Vt nil deficiat, nilque superfluum

Sit: tu singula nosti
Et subtiliter edoces.

Nam tu sic Zephyrum, sic Aquilonios,
Sic Eurum & Boream, denique sic Notum

Pertractas, vt & ipsum
Vincas Hippotadem Aeolon.

Forti ma&e animo perge, laboribus
His insiste tuis acriter; omnibus

Sic præstans tua virtus
Clarefcet sapientibus;

Sicque insigne tuum nomen ad omnia
Ventorum vnanimi flamina spiritu

Portabunt loca, quin ad
Ipsam sydeream domum.

DICOLOS DISTROPHOS.

IN HONOREM


NOBILIS, ORNATISSIMI,
DOCTISSIMIQUE D. ANDREAE MIRO-VYSKI V. I. STUDIOSI HANC VENTORVM THEORIAM
propugnaturi, amoris & obseruantiae loco con-
scripta & dedicata.NOBILI IOANNE VVOLSKI ELOQVENTIAE
STUDIOSO.


Ebusijs, vis nulla manet virtusque perennis,
Quas manus ædificat:
Ast quæcunq; animus molitur & excolit, omni
Tempore firma manent.
Nunc ager est, vel sylua rudis, vel caula, quod olim
Principis aula fuit.
Regifico contra constructa palatia sumptu,
Densa vbi sylua prius.
Ast firmum & fidum nomen documenta tuentur,
Quæ parat ingenium.
Vtilius sophiâ nihil est, nil suauius, atque
Nil magis eximium;
Hanc comitatur honos, comitatur gloria, & amplæ
Hanc comitantur opes;
Quas nec naufragio pelagus submergit iniquo,
Nec vaga flamma vorat;
Sed quæ nobilium generosum stemma virorum
A Equiparant, superant.
Hæcce Stagiræ celsum super æthera vexit
Nomen Aristotelis.


Hæc


Hac Plato, Panthoides, Theophrastus ad ardua laudum
Culmina perueniunt,
Hosce duces, hos signiferos tu ô docte MIROVI
Acriter insequeris,
Assequeris cursu, superas virtute, labore
Consimilisque tuo es.
Mentis opus subtile tuum, de flamine venti,
Hoc docet atque probat,
Indicat vnde fragor venti, quæ signa fragorem
Flaminis antecant.
Quosque ferat morbos Euri spiramen, & Austri
Et Boreæ, & Zephyri.
Et quàm quisque suis regionibus afferat ampla
Commoda, prosequeris.
Hoc cursu, hac virtute, laboribus hisce MIROVI
Differe; victor eris.











Biblioteka Jagiellońska



stdr0030147

